

# *TOPOLLO KA GO*

## *FELELA, KA THABO*

Ke thabile bošegong bjo, gape, go le dumediša ka Leina la Morena Jesu wa rena wa go ratega, Morwa wa Modimo yo a tsogilego. Gomme Bogona bja Gagwe bo be bo šetše bo le mo ge ke etla ka gare, kafao re letetše go bona ka go fetiša, ka botlalo, “godimo ga tšohle re ka kgonago eibile go di dira goba go nagana,” bošegong bjo, gore Modimo o tla tšollela ntle godimo ga rena, ditšhegofatšo tša Gagwe, le go godiša Jesu Kriste magareng ga rena.

2 Ke be ke bolela mašego a mabedi a go feta... Lamorena bošego ke a nagana re bile le tirelo ya phodišo, gomme Mošupologo bošego ke be ke rera. Le go fa ntle... Ke thomile thuto, Lamorena mosong, ka tabarenekeleng. Gomme ke naganne, ge re be re letile go dikologa bakeng sa lešaba ka mokgwa wa go oketšega gannyane nthathana, Ke tla ba mohuta wa go fa sekgala go maikutlo a ka. Ke nna...

3 Le lengwe la matšatši a, ge Modimo a rata, gomme o tla nthuša, ke tla no rata go ba le masolo a mmalwa moo le—le sa... go no ya ka gare le go rera goba go ruta Lengwalo, le go dira dipitšo tša aletara, le go ya fase aletareng le go rapelela batho, gomme boka rena Mabaptist a fešene ya kgale re be re tlwaetše go dira. [Yo mongwe o re, “Amene.”—Mor.] Mabaptist a mabedi feela ke kwele a re, “Amene.” Kafao lena bohole le kae, bošegong bjo?

Yo mongwe o rile, “Ngwanešu Branham, a o be o le Mabaptist?”

O rile, “Ya,” ke boletše.

4 Ke be ke rera fa ka Arkansas, nako ye nngwe. Moisa, moissa wa kgale, o fodile. O be a... ba bile... O be a le Monazarene. O be a na le dikota tša gagwe mokokotlong wa gagwe, letšatši la go latela, a eya go dikologa go kgabola toropokgolo, ka le—le leswao godimo ga yona, “Modimo o ntšere go tloga go ye, bošegong bja go feta.” Gomme o be a golofetše gampe. E be e le ka go Little Rock. Gomme o be a bile ka tsela yeo lebaka la mengwaga ye mmalwa. Gomme yo mongwe le yo mongwe o mo tsebile, gobane o ile go dikologa, gomme o bile le kefa ya gagwe e robetše fase, gomme a rekiša diphensele go tšwa go kefa. Gomme yo mongwe le yo mongwe o mo tsebile, kafao e nno thoma, o nno dira selo se segolo ka toropongkgolo.

5 Gomme mašego a mmalwa ka morago ga fao, ke be ke rera, gomme—gomme o phagametše godimo. O rile, “Motsotsotso

feela, Ngwanešu Branham, a o a tshwenyega ge ke go botšiša se sengwe?"

Ka re, "Aowa, mohlomphegi."

<sup>6</sup> Gomme o rile, "Gabotse," o rile, "ge—ge ke go kwele o rera, ke tsebile o be o le Monazarene." O rile, "Gona ke bone batho bohole ba Pentecostal tikologong fa, gomme yo mongwe o mpoditše o be o le Mopentecostal." O rile, "Ke go kwele o re, nakwana ya go feta, o be o le Mobaptist." O rile, "Ga ke hwetše se."

<sup>7</sup> Ke rile, "Gabotse, seo se bonolo. Ke nna Mopentecostal Monazarene Mobaptist." Yeo ke nnete. Yeo ke nnete. Re no... dumela.

<sup>8</sup> Oo, bagwera, ga ke wa kereke ya kerekeleina ye itšego, gomme efela ke wa ye nngwe le ye nngwe ya tšona. Ge ke thoma ntłe go ye, ke rile, "Kriste ke hlogo ya ka. Beibele ye ke pukungwalwa ya ka. Gomme lefase ke kereke ya ka." Kafao, seo—seo ke se ke nyakago go ba sona go fihla ke ehwa.

<sup>9</sup> Bjale, mo bošegong goba a mabedi, re tla leka go thoma tirelo ya phodišo gape, ge re hwetša... Nnête, go boneng dikhote tše le maako a robetše go dikologa mo, ke tla rata go bona se sengwe. Ke hlogetše se sengwe go direga mo ka Louisville, Kentucky, gobane ye ke naga ya legae la ka.

<sup>10</sup> Ga se ka ke ka ba le ye botse, ye le e bitšago kopano ye botse, ka Kentucky. Gomme ga ke re seo ka go kgatlela go itšego. Ke—ke bile le bontši bja tše mpe, mafelong a mantši. Eupša, ke ra, thwi fa ka legaeng la ka mong, go bothata kudu. Ke... feela thata go e roba. Ga ke tsebe gobaneng. Eupša ke a thanka ke ka gobane Jesu o rile, "Ka nageng ya geno mong," le ka fao go tla bago, yeo ka kgonagalo ke—ke tsela go lego. Eupša ga re tsoge ra hwetša go bona mehlolo ye mentši kudu ya go ikgetha.

<sup>11</sup> Ke bile le tirelo fa, e ka ba ngwaga goba ye mebedi ya go feta, ka Jeffersonville, eupša go diragetše go ba mosadi o be a etšwa godimo fa ka Kentucky felotsoko. O be a fetogile kalaka, go swana le, go tloga matolong a gagwe go theoga; go tloga lethekeng la gagwe go theoga go ya matolong a gagwe, ke ra gore. Gomme o—o be a se a sepela, lebaka la mengwaga ye lesomešupa. Bontši bja lena le be le le fale bošegong bjoo, gomme le elelw taba. Gomme o ile thwi godimo le go sepelela ka ntłe ga tabarenenekele, a itekanelia.

<sup>12</sup> Bjale, ke tla rata se sengwe go thoma fa ka Louisville, moo nka kgonago go bona tsošletšo ya fešene ya kgale e swiela go kgabola toropokgolo ye kgolo ye ya go ratega fa.

<sup>13</sup> Ke toropokgolo boka ditoropokgolo tše dingwe tšohle; ke ye mpe bjalo ka ge tšohle di tšwela ntłe. Le a tseba yeo ke therešo. Ga ke gobatše Kentucky; gobane, ke nna Mokentuckian, le nna. Go lokile. Eupša ke—ke therešo. Ke ye mpe. Le ke legae la diwisiki tšohle le mahlotlelo, le mekgwa ye mebe le se sengwe

le se sengwe, go swana le, e direga thwi go dikologa Louisville, Kentucky fa, kafao se ke setulo sa Sathane.

<sup>14</sup> Eupša re ka kgona go se robaganya diripana ka Ebangedi ya Jesu Kriste, ge bohle re ka tla mmogo. Yeo ke nnene. Re swanetše go kopanya maatla a rena mmogo le go kgorometša.

<sup>15</sup> Nako ye nngwe ya go feta, moebangedi wa go tuma kudu ka nageng o be a le, o rile, a bolela ka ditirelo fa. O rile, "Gabotse, sese se se lego." O rile, "Ge ke eya ka toropongkgolo, se sengwe le se sengwe go kgabola naga se swanetše go thekga dikopano tša ka ka tšelete goba nka se ye. Yeo ke nnene. Gabotse, e no nagana. Ke a naganang go na le mohlomongwe masometshela goba masomešupa dikereke tša Baptist thwi ka Louisville. Le a bona? Go reng ka Methodist? Gomme ke toropo ya Methodist; Asbury a le godimo mo. Monna yola o be a tla ba eng ge a etla go toropokgolo ye, feela ya Mamethodist le Mabaptist, ga re bolele ka Presbyterian le bohle?

<sup>16</sup> Bjale ke dikereke tše kae tša Ebangedi ya go tlala di lego kua ka toropongkgolo? Dimišene tše pedi goba tše tharo tše nnyane tlase go bapa fa felotsoko, feela dikereke tše dinnyane, fa le fale, gomme di ntweng seng sa tšona.

<sup>17</sup> Kafao ge o etla ka gare, o swanetše go ema godimo ga maatla a bodiredi bja gago. Yeo ke nnene. Gomme eibile...yo mongwe le yo mongwe o bjalo ka dipolitiki di sepelela ka gare. E maatleng a bodiredi bja gago, go goga go tšwa go e ka ba eng Morena a tla e romelago. Ke e rata ka tselala yeo. Ngwanešu, ge Jesu Kriste e se go dula ga ka fa, le go ithekga ga ka, gona ga ke na selo gape go ithekga ka sona. Yeo ke nnene. O...Godimo ga Kriste, Leswika la go tia, ke a ema; mabala a mangwe ohle ke kwenamohlabaa, go nna. Bokaone ke rere go batho ba bahlano bao ke tsebago Modimo o ba rometše go kwa Molaetša, go feta go rerela dikete tše lesome tše di gogetšwego ka go wona ka sepolitiki. Yeo ke nnene.

<sup>18</sup> Bokaone ke bone tshokologo e tee ya fešene ya kgale, e eya fase aletareng le go lla le go sehumula go kgabola, go feta go bona dikete tše lesome di ema, go no re, "Gabotse, ke tla E leka." E leka? Yena ga se Kriste go leka. Yena ke yo Motee go amogelwa. Go phela goba go hwa, go sobelela goba go nwelela, Mo tšeа go le bjalo. Yeo ke therešo.

<sup>19</sup> Ge nka rapela, ke rapeletše batho ba dikete tše lesome bošegong bjo, gomme bohle ba hwile mo mosong; gosasa bošego ke tla be ke le morago fa ke rapelela balwetsi, ke dumela Lentšu la Modimo le be le nepile. Yeo ke nnene.

<sup>20</sup> Ge nkabe ke ehwa; gomme batho ba dikete tše tlhano ba hwile mengwaga ye lekgolo ya go feta, gomme ba bile ka Bokagosafelego botellele bjoo, ba tsogile morago le go tla lefaseng, gomme ba rile, "Ngwanešu Branham, o se ke wa Le

tshepa. Ga se la loka. O se ke wa Le tshepa. Re—re Mo tshepile, re ile; re šitilwe.”

<sup>21</sup> Ke tla no fele ke sa re, “A nke ke hwe ka go Jesu Kriste.” Yeo ke nnete. Ke a Le dumela. Gomme leo ke pelo ya ka ka moka, se sengwe le se sengwe se beilwe thwi ka go Leo. Gomme ke a Le dumela ka pelo ya ka yohle, gomme ke tshepetše go Yena.

<sup>22</sup> Gomme ke rata batho ba Gagwe. Ke a le rata, badudi mmogo ba Mmušo wa Modimo. Gomme ke nyaka go ema legetla le legetla le lena, le go rwala morwalo.

<sup>23</sup> Bjale, bošegong bjo; ke a fa, bošegong bja go feta, ke be ke eya go bolela lebakana le lennyane bošegong bjo, Morena ge a rata. Ga ke nyake go le swarelela botelele kudu, go le lapiša, gobane re letile . . .

<sup>24</sup> Ke bile mohuta wa mokgopa bakeng sa kopano ye. Gomme ke letetše Modimo go dira se sengwe se se tla thomago kopano go tokologa thwi mo ka toropongkgolo. Wena rapela, dira karolo ya gago; gona, ge Kahlolo e etla, bohole re ka ema le go re re dirile karolo ya rena.

<sup>25</sup> Ka go tema ya 20 ya Ekisodo, le go thoma ka temana ya 7, ke duma go bolela feela dinakwana di se kae, ge Modimo a ka dumelela, go kudu . . . gabotse, ke tla re, e sego sehlogo sa go itlhaola, eupša se—se sehlogo se sebotse. Lamorena la go feta, ka go sekolo sa Lamorena ka tabarenekeleng ka Jeffersonville, re thomile, ka, “topollo ka Madi.”

<sup>26</sup> Gomme sese se ke lekago go se dira, ge le nyaka go tseba gobaneng ke dira se fa. Bontši bja lena le re ga se nke la ke la mpona ke rera ka go lesolo la phodišo, eupša ke bakeng sa morero. Ke a nagana, ge nka kgona go dira disoulo di robege gomme tša tla aletareng, gona ke tla hwetša kgaogelo go Modimo bakeng sa Louisville, yeo ke nnete, ge batho ka kgontha ba etla fase pele ga Modimo le go rapela.

<sup>27</sup> Gomme, ka gona, go na le ba bantši ba lena, bagwera, ba ba rapelago, ba ikona, le go boifa go swara se o se rapelelagoo. Yeo ke nnete. Le a bona? Gabotse, go ka se go dire botse go ikona le go rapela, ntle le ge o ne mediro tsoko go ya le yona. Tumelo ya gago yohle, ka lefaseng, e ka se go dire nthathana ye botse ntle le ge o gata thwi ntle kua, gomme monwana le monwana le yona, le go e tšea. Yeo ke phetho. O swanetše go ya pele. O swanetše go no gateila thwi ntle le go e dira, go le bjalo. Ge o kgopela e ka ba eng, eya o e hwetše. Modimo o rile ke ya gago, kafao o se tšee selo go hlaetsa. Hwetša se o se kgopetšeego. O dira seo, le go hwetša ka fao se tlago ntle. Ya. O se ke—o se ke wa boela morago gomme wa re, “Gabotse, ke tla tšea sa bobedi.”

<sup>28</sup> Ke tla tšea sa pele. Modimo o ntshepišitše, sa pele, seo ke se ke se nyakago. Gomme lebaka la mengwaga ye ye masomepedi tharo ke Mo hlanketše, O mphile lefelo leo. Gomme ke . . . Gomme ge feela ke Mo dumela le go Mo rata, gomme O a nthata, go

tla no ba ka tsela yeo ka gore O ikarabela go Lentšu la Gagwe. “Dilo e ka ba dife le di kganyogago, ge le rapela, dumelang le a se amogela, le tla ba le sona.” Seo ke se A se boletšego. A seo ke nnete? [Phuthego e re, “Amene.”—Mor.] Seo ke se sebotse. Go lokile.

<sup>29</sup> Ke rata go go kwa o re, “Amene.” O a tseba, Kgaetšedi Hoover, *amene* e ra “a go be bjalo,” go nna, o a tseba. Gomme ke—ke ya go bolela, ga ke kwe yo mongwe a re “amene,” ke—ke a gakanega gohole.

<sup>30</sup> Fa nako ye nngwe ya go feta ke be ke rera ka kerekeng ye nnyane, gomme—gomme ke be ke no . . . Oo, ga ke na le mekgwa ye mentši ya phuluphithi, go ya ka, ke a thanka, thutamodimo ya letšatši, kafao ke a thanka ke na le go se tlwaelege gannyane. Gomme ke a nagana ke tabogetše godimo ga sefala godimo ga phuluphithi, ka mokgwa *wola*, gomme ka swara segodišantšu ka seatleng sa ka, le go dula fale, gomme maoto a ka a hlohlorega, ke rera feels ka maatla ka fao ke kgonnego. Ke phafogile; ke be ke sa tsebe se ke bego ke se dira. Mo metsotsong e se mekae, ke timetše gape, gomme ke ikhweditše nnamong tlase ka bogareng bja mokgoba, ke fotla maoto a borokgo bja ka. Ga ke tsebe gobaneng, eupša ka kgonthe ke be . . . ke tla rata go dula fale nakwana. Seo ke selo se tee ke tla ratago go se bolela. E be e le felotsoko moo ka kgonthe ke bego ke ipshina nnamong. Ke nno phela go tloga go yona lebaka la matšatši a mmalwa morago ga fao.

<sup>31</sup> Fao go bile monna o tlide go nna, gomme a re, “E re,” a re, “o ka kgona bjang go rera, gomme bona batho bohole ba re, ‘Amene?’”

Ke rile, “Seo ke se se ntirago ke rere.” Ya.

<sup>32</sup> Ke be ke na le mpša ya kgale. Ke be ke tsoma moswe. Ke a thanka ke na le bagwera ba bantši ba Kentucky mo ba ba ratago go tsoma moswe. Kafao . . . Gomme o be a tla lata e ka ba eng e bego e le gona, le go ya go e swara, ntle le khwephane; gomme o be a no se be le selo go dira le yeo. Bjale, o be a mo kitimiša ka tlase ga mokgobo wa matlakala. Gomme selo se nnoši ke bego ke swanelo go se dira, ke be ke sa nyake go tsena ka tlase fale ka morago ga gagwe, ke be ke ne kgonthe. Kafao selo se nnoši ke bego ke tla se dira, e no ba go phagamiša matlakala, le go mo phaphatha le go goelela, “Mo hlasele, mošemane! Mo hlasele!” Gomme o tla ya go tšea khwephane.

<sup>33</sup> Bjale khwephane ye mpempe ke tsebago ka yona ke diabolo. Gomme ge o nyaka go dira go phaphatha gannyane, e no goeletša “amene” gatee mo lebakaneng. Gomme ke—ke . . . Re tla mo rakelela, morago ga lebakana, gomme re ya go mo tšea. Le a bona?

<sup>34</sup> Le a tseba, Buddy Robinson wa kgale, bontši bja lena le kwele ka yena. A ga se le? Kereke ya Nazarene. O rile, “Morena,”

o rile, "mphe lerapo la mokokotlo boka saga ya kota. Mphe tsebo ye ntši mo bofelo bja khutlotharo ya soulo ya ka. Gomme a nke ke lwantše diabolo ge feela ke na le leino le tee, gomme morago ke mo lome ka marinini go fihla ke ehwa." Ke nagana seo ke se sebotse... Gomme seo e no ba se a se dirilego. Seo e no ba se a se dirilego; tsela, o nyakile go ba mengwaga ye lekgolo bogolo, gomme o sa rera Ebangedi.

<sup>35</sup> Ke kwa bona matšwalaphaga a kgale a rera ka mokgwa woo. Letšatši le lengwe, ke diregile go bulela seyalemoya, gomme ngwanešu wa kgale, ka leina la Mordecai F. Ham, tikologong ya bogolo bja mengwaga ye lekgolo, o sa rera Ebangedi. Ke rile, "Modimo, mo šegofatše, gomme a nke a be le dinaledi mphaphahlogong wa gagwe ge a fihla Kua." Ngwanešu Ham, ke no se mo tsebe. Le lengwe la matšatši a ke nyaka go kopana le yena pele a tshelela mošola wa, Naga. Gomme, gore, a kgone go šikinya diatla le magagešo a mantši godimo Kua. Ke a tseba o tla ba le bontši go šišinya diatla le bona ge a fihla Kua, oo, ka gore o be a le letšwalaphaga la kgale.

<sup>36</sup> Morena a le šegofatše bjale. Gomme bjale, pele re tsena ka go Lentšu le, a re kgopeleng Mongwadi go tla fase le go Le utolla go rena.

<sup>37</sup> Tate wa rena wa Legodimong wa go loka, re a Go batamela, bošegong bjo, ka go lela la go ratega, Leina le lebotsebotse la Morwa wa Gago, Jesu; re ipolela dibe tša rena, gore ga re na maswanedi go bolela Leina la Gagwe le lekgethwa. Ka gore ka go... Lapa lohle la Legodimo le bitšwa "Jesu." Lapa lohle lefaseng le bitšwa "Jesu." Gomme Leineng leo letolo le lengwe le le lengwe le tla kobega, gomme leleme le lengwe le le lengwe le tla bolela go Lona, ge eba ke badiradibe goba bakgethwa. Ka gona, ge re bolela Leineng la Gagwe, re swanetše go roromela bjang ka dipelong tša rena, ka tlhomphokgolo, ge re bolela. Kafao re kgopela Leineng la Gagwe, ka tlhomphokgolo, gore O tla tla go rena bošegong bjo, Morena.

<sup>38</sup> Re mo ka bogareng bja toropokgolo ye kgolo, le mehuta yohle ya didirišwa tše Sathane a nago le batho ba tlemilwe kudu ka tšona, ka go dikgwebo tša bona, ka go go kempola ga gagwe, le bommalegogwana, wisiki, le disekerete. Gomme, O Modimo, le badiredi ba bantsi, ka phuluphithing, ba no e lesa e fete mo o ka rego e be e no ba ye nngwe ya dilo tša go tlwaelega.

<sup>39</sup> Eupša, Modimo, re fe segalontšu sa tshebotšo, gore re tla rera Ebangedi ka go otlologa le therešo, ra bea selepe go modu wa mohlare, le go dira dintshetlana di wele e ka ba kae go tla bago. Eupša re thuše, Morena, go bitša kahlolo godimo ga dilo tše bjalo, le go rera Ebangedi ya Morwa morategi wa Gago, Jesu.

<sup>40</sup> Modimo, efa se sengwe go direga seo se tla šikinyago toropokgolo ye bakeng sa Mmušo wa Modimo. Gore, ebole le dikereke, tše di nogo go ya mmogo dikhutlong, le maloko a

se makae, O Modimo, a nke tšona dikereke di tlale le go pakelana ka ba go loka, ba fešene ya kgale, batho ba bakgethwa, ba tswetšwego gape. E fe, Morena. Gomme a nke re amogele tsošeletšo, ya fešene ya kgale, tsošeletšo seromelwa ke Modimo ye e tla no šikinyago go tloga lehlakoreng le tee la toropokgolo go ya go le lengwe, go tloša makoko ohle. O Modimo, o se re fe kopano ya go telefala. Re fe tsošeletšo ye e tla tswalelago mafelo a botagwa, gomme ye e tla lokišago dilo; le go dira batho go tla, ge pele ya kereke e lla, le go kgeregela aletareng le go rapela pele ga molaetša wa modiša, le go ba komana. Modimo, e fe.

<sup>41</sup> Bjale, bošegong bjo, go ka no ba go balwetši mo, Tate. Gomme ge re sa bolela ka balwetši, goba go balwetši, gape, a nke Moya wo Mokgethwa o fodiše motho yo mongwe le yo mongwe a babjago ka moagong. Phološa modiradibe yo mongwe le yo mongwe. Biletša morago, gae, mokgelogi yo mongwe le yo mongwe go tšwa tseleng ya gagwe ya go hlahlatha.

<sup>42</sup> Gomme bjale a nke Moya wo Mokgethwa e be Yena yo a ntlhahlilego go thuto ye, bošegong bjo. Gomme a nke A tšee dilo tša Modimo le go no šomiša mohlanka wa Gagwe mo bjalo ka sedirišwa, gomme a nke Modimo a amogele letago. Ka gore re e kgopela Leineng la Gagwe. Amene.

<sup>43</sup> Ka go temana ya 7 ya tema ya 20 ya—ya Numeri, re bala se.

*Gomme MORENA o boletše go Moshe, a re,*

*Tšeа lepara, gomme o kgobele phuthego mmogo, wena,  
le Arone ngwaneno, . . . wena bolela go leswika pele ga  
mahlo a bona; gomme le tla tliša meetse a gagwe, . . .*

<sup>44</sup> Ke nyaka le hlokomele gore a, “Gagwe” meetse.

*. . . le tla tliša meetse a Gagwe, gomme wena o tla  
tliša go bona meetse go tšwa leswikeng: kafao o tla fa  
phuthego le dibata tša bona go nwa.*

*Gomme Moshe o tšere lepara go tloga pele ga MORENA,  
bjalo ka ge a mo laetše.*

*Gomme Moshe le Arone ba kgobokeditše phuthego  
mmogo pele ga leswika, gomme o rile go bona,  
Kwang . . . lena marabela; a re swanetše go le gela meetse  
go tšwa le leswikeng?*

*Gomme Moshe o phagamišitše seatla sa gagwe, gomme  
ka lepara la gagwe o bethile leswika gabedi: gomme  
meetse a tšwile ka bontši, gomme phuthego e nwele, le  
diruiwa tša bona gape.*

<sup>45</sup> A nke Morena a tšee Mantšu a se makae a bjale, ge re eya morago go thuto ya rena go tloga bošegong bja go feta le go e tliša go ye, Modimo a rata.

<sup>46</sup> Gomme bjale, ke nyaka balwetši bohole bao ba lego ka fa, bošegong bjo . . . Bjale, Billy ga se a ke a fa dikarata tše di itšego

tša thapelo lehono, ka gore ke mmoditše gore a se ke. Ke rile, “E no ya godimo, Billy, gomme o botše Ngwanešu Cauble. Gomme e no ntlogela . . .”

<sup>47</sup> Ke leka se sengwe, bakeng sa letago la Modimo. Go no kgopela Modimo go re thuša, go re fa disoulo ka Mmušong; le badumedi ba ba tla tiišago tumelo ya bona, le go sepelela godimo, ebile ntle le e ka ba eng gape, ba tla no sepelela thwi godimo le go re, “Modimo, ke a Go dumela, go Lentšu.” Yeo ke yona. Go na le ya mathomo, le ya pele, gomme tsela ye kaonekaone. Yeo ke nnete. Tšea Modimo go Lentšu la Gagwe. Gona, ge o ka se kgone go dira seo, gona, nnete, Modimo o romela dilo tše dingwe ka gare, bjalo ka dimpho le maswao, go—go tiišetša Lentšu la Gagwe, go Le tiišetša go modumedi yo mongwe le yo mongwe.

Bjale, Lamorena, re bile le, “topollo ka Madi.”

<sup>48</sup> Re tšea Israele bjale, ka leetong la bona, go tšwa ka Egepeta, sekai sa lefase, tseleng ya bona go ya Palestina, naga ya tshepišo. Ke nagana ke selo se sebotse. Ke no e rata. Gabotse e ka ba beke ye nngwe le ye nngwe, ke dula fase le go bala go kgabola Puku yela ya Ekisodo, ge nka kgonona, goba bontši bja yona ka mo nka kgonago. Ke a e rata gobane ke sekai sa go phethagala sa kereke lehono, boemo, le ka fao Modimo a sepelago. O sepetše nako yela, se A se dirilego ka tlhagong nako yela, O se dira ka semoyeng bjale. Le a e bona?

<sup>49</sup> Bjale, fao O etile Israele pele, tlhago, moo ba bonego, ba lebeletše, o ba ntšheditše ka ntle ga naga ye e itšego go ya ka go naga ye nngwe ya tlhago.

<sup>50</sup> Bjale re sepedišwa ke Moya wo Mokgethwa, ka go ya bjale ka go Naga ya tshepišo. A le a dumela re tseleng go ya Nageng ya tshepišo? [Phuthego e re, “Amene.”—Mor.] “Ngwakong wa Tate wa Ka go ne dintlokgpoparara tše dintši. Ge go ka be go se bjalo, Nkabe ke le boditše. Ke tla ya go le lokišetša lefelo.” A seo ke therešo? [“Amene.”] Bjale re na le Naga ya tshepišo ye re yago go yona, gomme letšatši le lengwe le le lengwe le swayaswaela monabo; letšatši le lengwe, monabo wo mongwe.

<sup>51</sup> Gomme go ne moriti wo mogolo wo moso o dutše mošola pele ga rena, o bitšwago lehu. Gomme nako ye nngwe le ye nngwe pelo ya rena e rethetha, re sepela kgato e tee kgauswana le woo. Le lengwe la matšatši a, e ya go tšea morethetho wa yona wa mafelelo, gomme re ya ka gare. Ke nyaka go ba nakong ya ka, go dira bontši bja ka; bjalo ka ge ke holofela yo mongwe le yo mongwe wa lena le gona, bošegong bjo. Ge ke tseba gore o letše feela pele ga ka, gomme ke swanetše go kopana le wona, ga ke nyake go ba lefšega. Ke nyaka go itata nnamong ka kobo ya toko ya Gagwe, ke sepelela ka go wona, ke tseba se, gore ke na le nnete gore ke a Mo tseba ka Maatleng a tsogo ya Gagwe. Yeo ke nnete. Gore, ge A bitša go tšwa magareng ga bahu, Ke tla biletšwa ntle le bona ba ba phelago. Modimo ke Modimo wa ba ba phelago.

<sup>52</sup> Bjale, ge ba be ba sepela ka go naga ye, re hweditše gore Modimo o dirile—o dirile leano bakeng sa bona. O tlišitše topollo, ka madi. Ka gona re a hwetsa, O tliša topollo, gape, ka maatla.

<sup>53</sup> Re hweditše, bošego pele ga bja go feta, gore O bile le madi a tloditšwe; e bego e le sekai se sebotse kudu sa modumedi, gore, ge a amogetše lehu la Kriste legatong la gagwe, gona o ba ngwana wa Modimo. O thoma leetong la gagwe.

<sup>54</sup> Bjale, selo sa go latela seo a swanetšego go ba... morago ga ge a phološitšwe, semoyeng.

<sup>55</sup> Bjale, lehu la kwana ya go hloka molato le file bophelo bakeng sa modumedi wa molato. A seo ga se seswantšho sa go phethagala bjale? Lehu la Tlhokamolato, Bophelo bja go fiwa bakeng sa ba molato. Gomme lehu la Kriste wa go hloka molato le fa Bophelo bakeng sa rena ba molato.

<sup>56</sup> Bjale, sa pele, gona, morago ga ge Modimo a ba file bophelo ka madi, le go e netefatša, gore lehu le fetile godimo ga bona, O ba thomišitše leetong la bona. Re ya go ba swara morago ga nakwana.

<sup>57</sup> Bjale elang hloko, gona, selo sa go latela Modimo a se dirilego, ka pela ge ba bile badumedi le bana, gomme ba amogetše Modimo, lenaba la lehu la nama le tšere ka morago ga bona. Gomme o bile le bona ba beilwe sekhutlwaneng, thwi godimo; le leganata ka lehlakoreng le tee; Lewatle le Lehubedu ka go le lengwe; dithaba ka lehlakoreng le lengwe; Madira a Farao a etla, a hlomaretše, dimilione tša masole di etla ka mmatšheng, go ba fenyen.

<sup>58</sup> Bjale, Modimo o be a dirile go bonagala gore O be a ba file bophelo, ka lehu la kwana; bjale O ya go ba laetša topollo ya mmele. Haleluya! Le a bona, bobedi bakeng sa phološo le phodišo, le a bona, bakeng sa motho wa tlhago le motho wa semoya.

<sup>59</sup> Morongwa wa lehu o fetile ka godimo, a netefatša gore Modimo o be a dirile tsela ya go phonyokga, ka moneelo wa madi, gomme ba o amogetše. Bjale O ya go dira tsela ya go phonyokga go tloga go lehu la nama.

<sup>60</sup> Boka modumedi, ka pela ge a phološitšwe. Mohlomongwe kankere e mo jele, goba bolwetši tsoko. Modimo o na le topollo, le yena, ka maatla. Go swana le ge A na le topollo bakeng sa soulo, O na le topollo bakeng sa mmele. E be e le...

<sup>61</sup> Ba be ba phološitšwe, gomme ba be ba bolotše. Ba be ba le ka tlase ga madi, eupša, efela, Farao o be a eya... Lenaba le be le eya go ba fediša, go ba bolaya bohole thwi fale ka lešokeng, nako yeo Modimo o bontšhitše maatla a Gagwe a topollo bakeng sa mmele wa bona. Le a e hwetsa? Le tseba se ke bolelagoo ka sona? [Phuthego e re, "Amene."—Mor.] Topollo ka maatla! Gomme ka gona, ge lenaba le be le le thwi kgauswi le bona, Pilara ye kgolo

ya Mollo ya kagodimogatlhago e phagametše godimo go tšwa ka godimo ga Israele, ya tla godimo fa gomme ya eme magareng ga bona le lehu.

<sup>62</sup> A nke e nwelele metsotso e se mekae. A le kgona go bona se ke bolelago ka sona? [Phuthego e re, "Amene."—Mor.]

<sup>63</sup> Bjale, go modumedi yo mongwe le yo mongwe, ngwana wa Modimo yo a tswetšwego gape, ge lehu le etla le utswa go ya mojako, pele ga nako, Morongwa wa Modimo o ema magareng ga gago le bolwetši. Bjale, ge o nyaka go kitimela thwi go lona, yeo ke taba ya gago; eupša ga wa swanelo go dira. Le a bona? O eme gare ga gago le lehu.

<sup>64</sup> Mengwaga ye masomepedi tharo ya go feta, ka Sepetleleng sa Bajuda, Ngk. Morris Fletcher o mphile diiri tše tharo; ye nngwe ya dingaka tše kaonekaone tša lena ka mo toropongkgolo, a mpha diiri tše tharo go phela. Ke a phela, bošegong bjo. Haleluya! Gobaneng? Ka mogau wo o sego nago mediro, Morongwa wa Modimo o eme gare ga ka le lehu, go ntshireletša, gomme ke O amogetše. Gomme ka tebogo, ka mogau wa Modimo, ke thopetše seripa sa milione tša disoulo go Yena, bošegong bjo.

<sup>65</sup> Oo, ka fao Modimo a tsebago mokgwa wa go dira dilo, ge re ka no latela. Le se ke la leka go etapele Modimo. A nke Modimo a le etepele. Le a bona? Ke rena bona ba go etwapele. Ke nagana ke ka lebaka leo Modimo a re swantšhitšego le dinku.

<sup>66</sup> A le kile la bona nku e lahlegile? Gobaneng, ke sebopša sa go hloka thušo kudukudu ka lefaseng. Ga a kgone go hwetša tsela ya gagwe e ka ba kae. O no ema le go lla go fihla phiri e mo ja, goba o hwa fao. Ga a kgone go hwetša tsela ya gagwe go ya morago.

<sup>67</sup> Gomme yeo ke tsela, gore, ge motho a lahlegile, ga a na thušo ka go felela. Ga go selo o ka kgonago go se dira ka yona. Modimo, ka mogau, o swanetše go go etella pele go ya go Kriste. Jesu o rile, "Ga go motho yo a ka kgonago go tla go Nna ntle le ge Tate a Mo goga. Gomme bohle ba A ba gogago, gomme ba tla, Ke tla mo fa Bophelo bjo bosafelego." A tshepišo!

<sup>68</sup> Oo, ke duma nka kgona go hwetša motho yo mongwe le yo mongwe ka mo, seo se tla nwelela tlasetlase ka tlase ga kgopo ya bohlano ka lehlakoreng la nngele, go fihla se betha kgwekgwe ya pelo. O tla bona batho ba no emeleta, ka mehuta yohle ya malwetši a lekeletše go bona, ba sepelela ka ntle ga moago wo, ba hlaletše, ba gana go ba le bjona. Digole di tla sepela feela go itekanelo ka mo di kgonago go ba. Di tla gana go tseba e ka ba eng gape. Le a bona?

<sup>69</sup> O tšhogile. O boifa go dira go thoma. O letile Modimo go tla tlase le go go gogela ntle. Modimo ga a e dire ka tsela yeo. Ke wena o swanetše go dira kgato. O fa tshepišo, gomme o re, "Etla pele," ka gona o a latela.

<sup>70</sup> Bjale hlokamelang bana ba Israele, gona. Modimo o tlie le go ema magareng ga bona le kotsi; maatla a topollo . . . topollo ka maatla, ke ra gore. Topollo ka madi; topollo ka maatla.

<sup>71</sup> Bošegong bja go feta re ba tlogetše, ba no abula godimo lešing, ka lehlakoreng le lengwe la Lewatle le Lehucedu. Manaba ohle, mabili a dikoloi tša bona a be a ntšhitšwe. Dipere tša bona di ile tša bona di bile dipoko, thwi ntle bogareng bja noka, gomme di be di retologela ka tseleng ye nngwe le ye nngwe, di eya ka tsela *ye*, gomme mabili a be a sobeletše tlase ka lerageng gomme tša wa. Gomme sehlopha sa monna se kitima ka tlalelo, lenaba. Gomme Israele e nameletše ntle godimo ga leši, go bona Modimo a otlolla seatla sa Gagwe le go senya lenaba lohle.

<sup>72</sup> Sekai se sebotse, modumedi, ka tlase ga Madi; o fodišitšwe nako yeo ke boemakagare, maatla a Modimo a setša bophelo bja gagwe, a bo telefatša bakeng sa nako. Ba ka be, yo mongwe le yo mongwe, ba bolailwe thwi fale; a ka be a ba gagarile thwi fale ka lešokeng, ge Modimo a ka be a se a ema magareng ga bona. Nkabe ke hwile, nako ye telele ya go feta, ge nkabe Modimo a se a ema magareng ga ka le lehu. Modumedi yo mongwe le yo mongwe ka mo a ka be a hwile, nako ye telele ya go feta, ge Modimo a ka be a se a ema magareng ga lena le lehu; yo mongwe le yo mongwe wa lena. Kafao, Modimo, ka go mogau le kgaogelo ya Gagwe ya go ikema, oeme magareng ga modumedi le lehu. Haleluya!

<sup>73</sup> Še yona. Gona selo sa go latela sa modumedi ke eng? Selo sa go latela ke kolobetšo ya Moya wo Mokgethwa nako yeo. Moshe o etilepele bana ba Israele thwi go theoga go ya Lewatleng le Lehucedu, ba kolobetšwa ka Lewatleng le Lehucedu. Lewatle, meetse, a emela Moya. Ge a iteile Leswika, meetse a tšwile. Gomme e be e le sekai sa Kriste, ka go Johane 3:16. “Modimo o ratile lefase gakaakang, O file Morwa motswalwanoši wa Gagwe, gore mang le mang a dumetšego ka go Yena a se ke a senyega, eupša o tla ba le Bophelo bjo bosafelego.” Elang hloko, batho ba ba senyegago, ka lešokeng, ba phološitšwe ke Leswika le le iteilwego. Gomme batho ba ba senyegago ba phološitšwe lehono (ba ehwa ka sebeng, ba senyega ka bokgopong) gobane Morwa wa Modimo yo a iteilwego o tšere legato la bona; meetse, Moya, o tokologela ntle!

<sup>74</sup> Šetšang, ke nyaka le e bone bjale, ge ba ile go kgabola Lewatle le Lehucedu, e be e le sekai sa go amogela Moya wo Mokgethwa. Ka morago ga ge modumedi a lopolotšwe go tšwa lehung, go ya Bophelong; maatla a Modimo a fodišitše mmele wa gagwe; bjale ke yena morutwana bakeng sa kolobetšo ya Moya wo Mokgethwa. Bjale o ne leeto, mošola, pele ga gagwe; eupša, pele a ka kopana le leeto lela, o swanetše go ba le se sengwe go mo rwalela go kgabola. Amene. Sekai sa go phethagala sa Pentecost!

<sup>75</sup> Elang hloko, ge ba be ba abula go tšwa lešing. Modumedi yo mongwe le yo mongwe, ge o etla ka gare gomme o phološitšwe,

o amogetše Madi a Jesu, o sa leka go lekelela godimo ga *se* le go lekelela godimo ga *selā*, gomme ga o kgone go tlogela *se* gomme ga o kgone go tlogela *selā*. Ka morago ga lebakana, Modimo a ka no go direla dilo tše botse; eupša ga o kgone go tlogela disekerete tša gago, o swanetše go tsea seno sa leago nako le nako. Eupša se o hlokago go se dira ke go feta go kgabola Lewatle le Lehubedu.

<sup>76</sup> Ge ba etla ntle ka lehlakoreng le lengwe. Še yona. Ke nyaka le e bone. Ge ba etla ntle ka lehlakoreng le lengwe, ba abuletše godimo lešing le go lebelela morago, gomme ba bone bagapeletši ba bona ba kgale bao ba bego ba ba itia, ba bolailego ba bangwe ba bona. Go no swana le kankere le disekerete le metšoko le wisiki le se sengwe le se sengwe gape, di gafisa digotlane, di ba romela go, ka go dipetlele, le sehllopha sa mahlanya le se sengwe le se sengwe gape se tšweleditšwego ka lefaseng. Ge ba lebeletše morago gomme ba bone dilo tšela tšohle di katana, di hloka thušo, le go hwa ka lewatleng. Ngwanešu, o bolela ka kopano; ba bile le e tee!

<sup>77</sup> Moshe! Oo, ke ya go dumelala se go nwelela go teba. Ke a holofela e ya botebongtebong. Moshe, moprofeta yo mogologolo kudu a kilego a phela, ka ntle ga Jesu Kriste. Ga se gwa ke gwa ba monna yo Modimo a kilego a bolela le yena, go swana le ge A dirile Moshe, ka ntle ga Kriste. O rile, “Ge go na le yo motee yo e lego wa semoya, goba moprofeta, magareng ga lena, Ke tla mmontšha dipono le go itira Nnamong go tsebja go yena. Eupša e sego mohlanka wa Ka Moshe; Ke bolela molomo le tsebe le yena.” Yeo ke nnene.

<sup>78</sup> Moshe, monna yo wa go hlomphega. Ka pela ge a etla go kgabola boitemogelo bjola, o bone bagapeletši bale bohole ba hwile, o tsebile tšona dilo tšohle di be di ile neng le neng nako yeo. Dilo tšela tšohle tše di bego di ba gapile, le go ba betha, le go ba hwiphinya go dikologa, di be di fedile. O phagamišitše diatla tša gagwe gomme o opetše ka Moya. Oo, nna!

<sup>79</sup> Ga se nke gwa ba sekai, gomme se ka se be, go fihlela re fihla Letagong godimo mošola. Ge mafetšo a dirilwe fale, o opetše ka Moya. Gomme ge re lopolotšwe ka mmeleng . . .

<sup>80</sup> Seo e be e le sekai sa Moya wo Mokgethwa o etla ka Pentecost, ge re fetile go kgabola lewatle. E be e le sekai sa Pentecost. Gomme Moshe, ka go molwa- . . . ka seswantšho morago kua, ge a fetile go kgabola leo, o opetše ka Moya. E tlie ka Letšatsi la Pentecost. Gomme ge mmele o phethagetše, o lopolotšwe . . . Bjale soulo ya rena e lopolotšwe ka go phethagala, thwi, “a ka se kgone go senyega; o na le Bophelo bjo bosafelego.” Se Beibele e se bolelag!

<sup>81</sup> Oo, ke ikwela gabotse. Elang hloko gobaneng. Gobane ke a tseba ke O RIALO MORENA. Ke nno kgwaparetša soulo ya ka fale, gomme ke sepelela pele, gomme ke re, “Sathane, e no tswinya tšohle o nyakago, go nna. Ga go ntshwenye, gobane ke

tseba Yo ke mo dumetšego, gomme ke kgodile O kgona go boloka seo ke se gafetšego go Yena kgahlanong le Letšatši.” Amene.

<sup>82</sup> Se re se hlokago bošegong bjo ke ye botse, ya fešene ya kgale, ya Billy Sunday, ya go phatloga, tsošeletšo ya haleluya, ke se re se hlokago tikologong ya Louisville mo. Yeo ke nnete, re hloka ye botse, ya fešene ya kgale, tsošeletšo ya pentecostal seromelwa ke Modimo. Ee, mohlomphegi.

<sup>83</sup> Elang hloko, gona, ge mebele ya rena e lopolotšwe . . . Yeo, re na le phodišo Kgethwa bjale, bjalo ka moriti.

<sup>84</sup> Bjalo ka ge wola o bile moriti fale wa Pentecost, lebelelang se ba se dirilego nakong ya moriti, wa phološo. Lebelelang ka fao ba sepetšego kua pele ga Modimo, “Ba timile . . . bogale le bjalo . . . bja mollo, le go efoga bogale bja tšoša,” dilo tšohle tše ba di dirilego, “ba tšwetše ntle ga mauba a mollo; kgole le legolo la ditan, le se sengwe le se sengwe,” ka moriti, haleluya, ka moriti wa Pentecost.

<sup>85</sup> Bjale re na le topollo ya go phethagala ka Madi a Kriste. Ba be ba ka se kgone go ba le topollo ya go phethagala nako yela, gobane e be e le ka tlase ga madi a dipoo le dipudi, gomme a ka se tloše sebe; a nno khupetša sebe. Eupša ge Madi a Jesu a tšholotšwe, Madi a makgethwa a go loka kudu, dibe ga se tša khupetšwa gape; di ile tša hlalwa le go fedišwa, gomme modumedi o ya ka Bogneng bja Mmopi wa gagwe. Haleluya!

<sup>86</sup> Ge a dirile seo nako yela, moriti fale, wa Moshe a opela ka Moya; gona, godimo ka go Kutollo, bale ba nago le topollo ya go phethagala ya mmele, ba eme mo lewatleng la galase gomme ba opetše koša ya Moshe gape, godimo ka go Puku ya Kutollo.

<sup>87</sup> O bolela ka ko-ko kopano ya Moya wo Mokgethwa? Ba bile le yona ge ba fihla godimo ga leši lela. Theetsa, kgaetšedi. Miriamo yo monnyane wa go hlomphega, moprefetagadi, kgaetšedi wa Moshe, moprefetagadi, o ile a thantshelwa kudu go fihla a topa thamporini gomme a kitima go theoga leši, a itia thamporine, gomme a bina ka Moya. E sego seo feela, eupša barwedi bohole ba Israele ba mo latetše, ba bina ka Moya. Ge woo e se Moya wo Mokgethwa o ewa, ga se nke ka bona o tee. Gobaneng, ka nnete, tšona, tšona ditirelo tšohle, ditšhaba tša seriti di ka be di kgonne go lebelela ka diferekeikere tša tšona le go bona seo, ba ka be ba rile, “Bohlanya.” Nnete. Eupša e be e le Modimo. Nnete!

<sup>88</sup> Dilo tša go ba le seriti di lebelela fase, lehono, godimo ga se Modimo a se šegofaditšego. Thwi!

<sup>89</sup> Go nkogopotsa kanegelo. Moisa o bile le polasa ye kgolo ye kaone. O agile dintlopologelo tše kgolo bogolo tše kaone, di no ba le seriti le maemo ka mo di bego di kgona go ba, eupša o be a le sebodu kudu go lema. Go lokile. Go bile le molemi yo mongwe o dutše kgaušwi le yena; o be a se ne bontši kudu bja ntlopologelo, eupša ka kgonthe o be a le molemi, gomme o be a beile dijо

tše ntši ka ntlopolokeleng yela ngwaga woo. Gomme mamane a mabedi a mannyane a tswetšwe, e tee ka go ntlopolokelo ye tee gomme e tee ka go ye nngwe. Ge nako ya seruthwana e etla, ba lokolotše mamane a mannyane go tšwa lešakeng.

<sup>90</sup> Namane yela ye nnyane go tšwa godimo fa, e be e fepilwe gabotse ka kgonthé, nna, ge phefo yela e thoma go e betha, oo, nna, o ragetše ditlhako tša gagwe godimo, gomme šole o ile, feela ka maatla ka fao a kgonnego go ya; a tswikinya, le go taboga, le go kgarama, le go ya pele.

<sup>91</sup> Gomme morago molemi yo mongwe o lokolotše ya gagwe ntle, godimo fale. O be a—o be a se ne selo go ja eupša ngwang; sebodu kudu go lema, sebodu kudu go mo fepa.

<sup>92</sup> Bea ka monaganong ba bangwe ba badiša ba. Nnête! Nnête! Dibodu kudu! Ke mathaithai kudu. Gomme feela dintlopolokelo tša seriti ke tšohle o nago natšo. Bea Dijo tsoko tša namane ka kua! Nnête. Kolobetšo ya Moya wo Mokgethwa, e rerwa ka maatla, e tla e tshuma. Yeo ke nnête. Eupša seo ke se ba se hlokago, ke go tlabolwa go gobotse ga fešene ya kgale; se kereke e se hlokago, se maloko a se hlokago. Hlokomelang.

<sup>93</sup> Gomme namane ye nnyane ye ya kgale e be e senyegile. Wa go šokiša, moisa yo monnyane o tlile go tšwa šakeng, o be a le yo mosese kudu o be a sa kgone le go sepela. Gomme o hlodimetše tlase go kgabola monga, le go lebelela go putla.

<sup>94</sup> Gomme o bone namane ye nngwe yela e no kgarama. O be ohle a nonne le go ba nkgokolwana. O be a ikwela gabotse. O be a ejá marega ohle.

<sup>95</sup> Gomme yela ye nnyane, namane e bolailwego ke tlala e lebeletše godimo, e rile, “Bohlanya bjo bo bjalo!” Nna! Nnête, o be a le yo mosesane kudu go nagana e ka ba eng gape.

<sup>96</sup> Eupša, ke a le botša, ge yona yela e nonnego gohle, marega ohle, ngwanešu, o tsebile moo a bego a le gona. O be a ne nako ye botse ge phefo yela ye borutho e thoma go foka go yena.

<sup>97</sup> Gomme motho e ka ba mang yoo a tswetšwego ke Moya wa Modimo, ba tla mmitsa lehlanya goba e ka ba eng gape. Eupša ge yela e borutho, seruthwane, phefo ya Moya wo Mokgethwa e thoma go tla boka O dirile ka Letšatši la Pentecost, se sengwe se ya go direga. Nnête. Diphefo tše borutho di thoma go foka; ngwanešu, o no ba gohle o nonne ka Ebangedi, gohle go dikologa le go ikwela gabotse. O raga direthe tša gago gomme o be le nako ye botse.

<sup>98</sup> Yeo ke tsela ye Miriamo le bona ba dirilego. Ba lebeletše morago tlase gomme ba bone tšona dilo tšohle tša kgale tše di kilego tša dirwa, tšohle di be di hwile gomme di ile. Ba be ba bone Modimo a amogela madi; ba be ba šetše ba bone maatla a Gagwe ka go phodišo Kgethwa, a eme magareng ga bona; ba tlile go kgabola Lewatle le Lehubedu, gomme ba kolobetšwa ka Moya;

ba sepelela ka lehlakoreng le lengwe, ba no ba le nako ye botse. Ba be ba sa tshwenyeye se . . . mekgatlo yohle e se nagannego ka yona. Amene.

<sup>99</sup> A sekai sa go phethagala e lego sona lehono, sa modumedi yo a ka lekago go gatela ka ntle.

<sup>100</sup> Modimo o tshepišitše gore O tla fana ka tlhoko ya bona ye nngwe le ye nngwe. O tshepišitše O tla fana ka tlhoko ya rena ye nngwe le ye nngwe. Ga se nke A ba botša, “Ke tla dira tsela ya phodišo; Ke tla dira tsela ya *se*; Ke tla dira tsela ya *sela*.” O rile, “Ke tla ba le lena!” Haleluya!

<sup>101</sup> Seo ke se A se boletšego go rena. “Ke tla ba le lena, ebole le ka go lena, go fihla bofelong bja lefase.” Seo ke sohle ke swanetšego go se bolela. Ga se o swanele go nganga *se*, *seo*, goba se *sengwe*. Ge A le mo, seo se a nkgotsofatša; Phodišo Kgethwa e mo, Maatla a mo. Se *sengwe* le se *sengwe* A bego a le sona kua, ke Yena bjale, “Jesu Kriste wa go swana maabane, lehono, le go ya go ile.” Kafao, o ka tsea thutamodimo ya gago gomme wa e kgama. Ngwanešu, ke dumela Jesu Kriste wa go swana maabane, lehono, le go ya go ile; o rile, “Ke tla ba le lena, ebole le ka go lena, go fihla bofelong bja lefase.” Ee.

<sup>102</sup> Gomme šebale ba tšwetše ntle, gomme O be a ne bona. Bjale o rile . . . Oo, ba be ba ne serotwana se sennyane sa borotho hlogong ya bona; bo be bjohle bo llwe gomme bo ile. Ba be ba se ne le ge e ka ba ofe. Ba ile malaong, ba swerwe ke tlala gannyane bošegong bjoo. Eupša mosong wa go latela ge ba tsoga, go be go le borotho bo letše gohlegohle mmung.

<sup>103</sup> Yeo ke tsela ye Modimo a dirago dilo; o le tlogela go tla thwi fase go motsotsa wa mafelelo, gona go le laetša se A ka kgonago go se dira ka yona. Yeo ke mnene. O rata go dira seo. O rata go dira. O rata go makatša batho ba Gagwe.

<sup>104</sup> Wena monna o rata go dira mosadimogatša wa gago ka mokgwa woo. Leta go fihla letšatši la gagwe la matswalo, go no mmoloka ka tlase ga dikgonono, gobane o a mo rata.

<sup>105</sup> Ke ka lebaka leo Modimo a re dumelago go tla bofelong bja tsela nako ye nngwe, gobane O a re rata le go nyaka go netefatša tša Gagwe tša kagodimogatlhago le maatla a Gagwe. Gobane O a re rata, ke ka lebaka leo A e dirago. Ee. O no re dumelela go ya thwi tlase go lefelo moo re no go ba komana go dira kgato ya mafelelo, gona O gatela ka go lefelotiragalo.

<sup>106</sup> O dumelatše bana ba Bahebere go sepelela thwi ka leubeng la mollo, eupša go be go le Monna wa bone a eme fale ka sefehlamoya, a e tloša go bona. Le a bona? Ka mehla o fale. Ga A tsoge a tloga. Ka mehla O kgauswi. “Morongwa wa Morena o goragorela bao ba Mmoifago.”

<sup>107</sup> Fao, bošegong bjoo, ba topile borotho bjola mosong wa go latela. Ke kgona go bona Baisraele bale bao ba sa tšogo feta go

kgabola Lewatle le Lehubedu; ba sa tšogo lopollwa ka madi; ba bone Maatla a phodišo a Modimo, goba Maatla a mehlolo a eme gare ga Modimo . . . le gare ga Israele le Egepeta; gomme a ile a nweletša manaba ka morago ga fao.

<sup>108</sup> Boka kankere ya kgale e ile neng le neng, bofofu bo be bo ile, bofoa bo be bo ile, bolwetši bja swikiri bo be bo ile, se sengwe le se sengwe se ile sa nweletšwa morago mošola ka Mading a Jesu Kriste. O ikwa bjang? Nna!

<sup>109</sup> O sepela go theoga mokgotha, gomme moswaswalatši yo mongwe wa kgale o re, “Bjale ema motsotsotso! A o na le nnete ya seo?”

“O se ke wa bolela le nna.” Amene. Oo, nna!

<sup>110</sup> Ke kgora go ba bona ntle kua, feela go kgobokana godimo le go kgobokana godimo, le go ja, le go ba le nako ya letago. Go no swana le kopano ya fešene ya kgale, kopano ya Moya wo Mokgethwa. Mo go tla tla Moya wa Modimo o sepelela godimo go mokgethwa yo mongwe yo monnyane, o tla fihla godimo; o tsene ka pelong ka mokgwa woo, gomme le goelele, “Tumišang Morena!” Feel a kopano ya fešene ya kgale bjalo ka yeo. Ee, mohlomphegi. Ba be ba no e swara go tloga lehlakoreng le tee go ya go le lengwe, ba ne nako ye botse.

<sup>111</sup> Bjale, borotho bjola ga se nke bja kgaotša. Bo ile tsela yohle go kgabola leeto, bakeng sa bona. Yeo ke nnete. Gomme e be e le sekai sa go phethagala sa pentecost ka go rena. Seo se be se le tlhagong. Borotho bjola ga se nke bja kgaotša. Bo dutše borotho bja go swana, go fihlela ba tsene nageng ya tshepišo. A yeo ke nnete? Lena babadi ba Beibele le a e tseba. Gomme ka gona ge re . . .

<sup>112</sup> Kereke e hlomamištšwe ka Letšatši la Pentecost, ge badumedi ba be ba le godimo fale. “Gomme fao gwa tšwelela modumo boka phefо ye maatla e tšutlago, ya tlatša ntlo moo ba bego ba dutše.” Moya wo Mokgethwa wa go swana wo o welego nako yeo, o a wa bjale. O tla ya thwi pele go tloga nako yeo go ya bofelong bja nako. O tla ya thwi pele go kgabola. Ke borotho bja rena. Ba fepilwe ka borotho bja tlhago; re fepša ka borotho bja semoya.

<sup>113</sup> Jesu o rile, “Ke nna Borotho bja Bophelo bjo bo tšwago go Modimo, go tšwa Legodimong.”

<sup>114</sup> Ba rile, “Botatawešu ba ja mana ka lešokeng, lebaka la sekgoba sa mengwaga ye masomenne.”

O rile, “Bona, yo mongwe le yo mongwe, ba hwile.” Ee, mohlomphegi.

<sup>115</sup> “Eupša yo a jago nama ya Ka gomme a nwa Madi a Ka, o na le Bophelo bjo bosafelego, gomme Ke tla mo tsoša ka matšatšing a mafelelo. Ke nna Borotho bja Bophelo bjo bo tšwago go Modimo, go tšwa Legodimong. Ge motho a ej a Borotho bjo, a ka se tsoge a

hwa." Ke lena bao. Ba bile le sa tlhago; re ne sa semoya. Oo, nka se e felole bakeng sa lefeela. Go a makatša!

<sup>116</sup> "Oo," o re, "Ngwanešu Branham, bohole re a tseba o lehlanya." Gabotse, ke a dira, le nna. Ke nna lešilo bakeng sa Kriste. Wena o lešilo la mang? O ka no ba lešilo la diabolo. Go lokile. Kafao, bokaone ke be lešilo bakeng sa Kriste, a le ka se ke? Go lokile.

<sup>117</sup> Elang hloko, selo se sengwe sese ka mana ale. Ge ba thoma go a latswa, ba rile, "A latswega bjalo ka todi." Ee, a be a le bose. Ke kgona go no bona bona bakgethwa ba kgale ba latswa dipounama tša bona le go ja. A be a le gabotse.

<sup>118</sup> A o kile wa latswa *Le?* *Le* ke le lebotse, le lona. O rile, "Latswa gomme o bone, Morena o lokile. A latswega bjalo ka todi mo leswikeng." Ka mehla ke be ke dira tshwayo ye, makga a mantši. Gore, ge Dafida wa kgale, yo a boletšego seo ka go Pesaleme ya gagwe, o rile, "Le latswega bjalo ka todi mo leswikeng."

<sup>119</sup> Dafida, ka go ba modiši, o be a na le mokotlana wo monnyane, ba o rwelego ka lehlakoreng la bona, gomme ka mehla ba rwala todi ka go wona. Badiši ba kgale ba a dira, go le bjalo, ka—ka Palestina. Gomme ge dinku tša bona—tša bona tša go babja di eya pele, ka gona, selo sa pele le a tseba, o obeleditše fase gomme o ya go hwetša seripa se sennyane sa todi ye, gomme o a e tsea gomme a e fogohletša godimo ga leswika, leswika la letlapakalaka. Gomme dinku di rata todi yela, kafao o ya go latswa todi yela go tloga leswikeng. Gomme go na le se sengwe ka letlapakalaka leo le fodišago dinku tša go babja.

<sup>120</sup> Gomme ke a le botša, re na le mokotla wohle o tletše todi mo bošegong bjo, gomme re ya go e bea godimo ga Leswika, Kriste Jesu. Gomme dinku tša go babja di ya go latswa, o na le kgonthe o ya go fola. Yeo ke nnete, e no latswa, latswa, latswa. Gomme ge o latswa todi, gobaneng, ka kgonthe o na le nnete ya go hwetša le lengwe la letlapakalaka. Yeo e no ba kgonthe bjalo ka e ka ba eng. Bjale, ga re ye go e bea godimo ga kereke. Re ya go e bea godimo ga Kriste, moo e lego ya gona. Yeo ke nnete. Gobane, phodišo ke ya Kriste, amene, boka tšhegofatšo ye nngwe yohle ya topollo. Hlokamelang.

<sup>121</sup> Gomme selo se sengwe. Ge ao a thoma go wa, Arone o ile a laelwa go ya ntle le go hwetša dijo tše mmalwa tša wona.

<sup>122</sup> Bjale, ge ba lekile go boloka a mangwe bakeng sa letšatši la bobedi, a senyegile. Gomme seo ke bontši ka moka magareng ga batho ba Moya wo Mokgethwa bošegong bjo. O leka go nagana, "Gabotse, mengwaga ye masomepedi ya go feta, re bile le molaetša wo mobotse. Re bile le—re bile le nako ye botse." Le na le eng bošegong bjo? Seo ke selo. Ba . . .

<sup>123</sup> A wele bošego bjo bongwe le bjo bongwe. Ga se nke a palelwaa nako ye nngwe, feela ka—ka Sabatha. Yeo ke nnete. Gomme bjale Modimo o a rometše fase, ka boswa, bošego bjo bongwe le bjo

bongwe; letšatši le lengwe le le lengwe, iri ye nngwe le ye nngwe, a a tla.

<sup>124</sup> Elang hloko, lefiswana la go tlala le bolokilwe. O rile, “Bjale, lebelelang, ge le etla ka nageng, gomme bana ba lena ba thoma go nyakiša mabapi le se . . .” O rile, “Moprista yo mongwe le yo mongwe bjale yoo a tlago ka go boprista, ka morago ga ge a bile le tumelelo go tla go lefelo le Lekgethwa, le go ya pele, le go hlomamišwa, moprista, gona o bile le tokelo go ya ka gare le go tšeа molomo wa go tlala mana a setlogo ao a welego mathomong.” Wona a pele a welego, ba a topile gomme ba a bea ka lefiswaneng, le go a boloka, gomme aa be a nno bolokelwa boprista.

<sup>125</sup> Bjale o re, “Ngwanešu Branham, ke mohuta mang woo o nago le wona lehono?”

<sup>126</sup> Gobaneng, re boprista. “Lena le boprista bja bogoši, setšhaba se sekgethwa, batho ba moswananoši, le dira dihlabelo tša semoya go Modimo, dikenywa tša dipounama tša lena le fa ditebogo go Leina la Gagwe.” Amene. Šeo yona. Bjale, ka gona, ka Letšatši la Pentecost, ge Moya wo Mokgethwa o be o ewa; mana a rena.

<sup>127</sup> Bjale, moprista yo mongwe le yo mongwe morago kua, ka tlase ga Testamente ya Kgale, ge ba etla ka gare go ba moprista, ba tsebile ba be ba eya go hwetša mothamo wa mana a setlogo; e sego a mangwe a dirilwe, madirwakemotho tsoko ao a lebegago boka wona. Eupša ba be ba eya go hwetša a mangwe a setlogo.

<sup>128</sup> Gabotse, ka Letšatši la Pentecost, ge mana a rena a thoma go wa, Moya wo Mokgethwa o tlie boka phefo ye maatla e tšutlago. Fa go be go le sehlopha se sennyane, batho ba go hlomphega, lekgolo le masomepedi, ka kamoreng ya godingwana; mabati a tswaletšwe, mafastere fase, ba dutše morago fale, ba letile tshepišo. Ya, ba be ba na le Jesu, nnete. Ba be ba tseba maatla a Gagwe, le tšohle tšeо, eupša ba be ba letetše tshepišo.

<sup>129</sup> Seo ke se re se nyakago bošegong bjo. Go ba . . . Ge sehlopha se sa batho se ka kgona go tsena mmero o tee, go swana le ge ba be ba le bošegong bjoo, selo sa go swana se tla bušeletsa bošegong bjo, thwi fa ka moagong wo, ka Louisville, Kentucky, seo se bušeeditšego ka Letšatši la Pentecost. Yeo ke nnete. Oo, nnete, ba tla ba le mohuta wa go swana wa baswaswalaši fa ka Louisville ba bilego le wona fale. Eupša, bohole ba be ba le lefelong le tee, mmero o tee. Gomme ka pelapela . . .

<sup>130</sup> Fao go tlie modiredi godimo, gomme o be a na le lengwalo, gomme ba saenne maina a bona le go ba le seatla se setona sa kopanelo, le go tsena ka go kopanelo ya kereke? Seo se ka no ba lehono, eupša seo se be se se nako yeo. Yeo ke tsela ye Protestant e dirago. Mokatoliki o sepelela godimo go aletara gomme o tšeа selalelo sa gagwe sa mathomo; o lakailela leleme la gagwe ntle, o tšeа senkgwana; gomme moprista o nwa beine. Ka gona o ba seo.

<sup>131</sup> Eupša, ngwanešu, “Ka Letšatši la Pentecost, ba be ba le mmerong o tee, ka lefelong le tee, ka gona ka pelapela go tlide modumo go tšwa Legodimong,” motho ga se a be le selo go dira le Wona, “boka phefo ye maatla e tšutlago. O tletše ntlo yohle moo ba bego ba dutše.” Maatla a Modimo a rathile godimo ga bona! Ba ile ntle ka mokgotheng, ba dira boka sehlopha sa mahlanya; boka ba dirile tlase kua ge ba etla go kgabola Lewatle le Lehubedu. A ke nnete? Ba goeleditše. Ba tšwetšepele. Ba thekesela. Ba kekeretša ka dipounama tša bona.

<sup>132</sup> Bona, oo, go tšwelapele go go bjalo, lena . . . go fihla batho, kereke ya seriti, e eme morago gomme e rile, “Batho ba ba tagilwe ka beine ye mpsha.

<sup>133</sup> Haleluya! Le ya go mpitša “mopshikologimokgethwa,” go le bjalo, kafao bokaone le ka no thoma bjale. Go lokile.

<sup>134</sup> Lebelelang, ba be ba tletše ka Beine ye mpsha, yeo ke nnete, Beine yeo e tšwago go Modimo, go tšwa Legodimong. A le kile la bona monna wa letagwa? O no ba ka leratong le yo mongwe le yo mongwe, le a bona. Ga a kgathale. Ke ka tsela yeo motho a lego ge a tagilwe ka Moya. Beibele e rile, “Le se ke la tagwa ka seno se maatla, ka bontši, eupša go tagwa ka Moya.” Moya wa Modimo o go dira o tagwe kudu, o lebala manaba a gago ohle, le se sengwe le se sengwe. Yo mongwe le yo mongwe o ratana le wena. Ga a tshwenyege ka yo a emego go go dikologa. O monna yo mogologolo kudu ka nageng thwi nako yeo.

<sup>135</sup> Ga ke tshwenyege ge eba moagišani wa gago, a dutšego hleng le wena, o ile kerekeng tsoko ya seriti; nno dumelela Moya wo Mokgethwa go tsena go wena nako ye nngwe, o bone se se diregago. Lokiša, gabotse ka kgontha, tagwa go felela, o tla bona se se diregago. O tla re, “Kgaetšedi, ke O hweditše! O a O nyaka, le wena!” Yeo ke nnete. Ee, mohlomphegi, se sengwe se tla direga.

<sup>136</sup> Ba be ba le fao, bohole ba tagilwe ka Beine ye mpsha. Gomme, theeletšang, ba bangwe ba lena dikgaetšedi fa, a le be le tseba kgarebe ye e šegofaditšwego Maria o be a le ka go yela? Bjale, o be a swanetše go ya godimo kua. Mmago Jesu Kriste o ile a swanela go ya godimo kua le go akaretšwa ka go sehlopha sela sa batho, a tagilwe kudu ka Moya go fihla a thekesela o ka re o be a tagilwe ka wisiki goba se sengwe.

<sup>137</sup> Gomme o nagana o tla ya Legodimong ka go thellela godimo go kerekere le go bea puku ya gago ya pina ka tlase ga letsogo la gago, le go sepelela godimo ga Lamorena le lengwe le le lengwe mosong, gomme dipele di lla, gomme wa dula le go theetša tše dingwe tša . . . le go sepelela morago? O ka se tsoge wa e dira.

<sup>138</sup> O tla swanela go tla ka tsela yeo, gobane yeo ke tsela e nnoši Modimo a kilego a e bea fase, le go tsoge a dira. Gomme o tla e sepela, goba o ka se be Fale. Ga ke moahlodi wa gago, eupša ke rera Ebangedi. Yeo ke Therešo tlwa. Kgarebe ye e šegofetšego e

be e le thwi fao, e be e dira feela bjalo ka seota go swana le ka moka ga bona ge ba dirile, go no tagwa bjalo ka bohle ba bona. Banna le basadi ba, yo mongwe le yo mongwe wa bona, ba be ba tletše ka Beine ye mpsha. Ge Modimo a kile a fetola lenaneo leo, bea monwana wa gago godimo ga Lengwalo bakeng sa ka; ga le gona. Aowa, mohlomphegi. E be e le thwi godimo go ya mafelelong a lebaka, ka tsela yeo, go dikologa go ya mafelelong a Beibele, gomme e tla ba selo sa go swana ge Jesu a etla.

<sup>139</sup> Lebelelang! Ge ba be ba sa tagilwe ka Beine yela ye mpsha, lebelelang, re bona ge eba Modimo o le beetše lefiswana la go tlala lena bohle. Go lokile.

<sup>140</sup> Fa go be go le bohle ba bona ba eme ntle fale, gomme moreri yo monnyane wa kgale wa bofšega ka leina la Petro, le “leswika le lennyane,” o be a tšhogile kudu ka maemo a gagwe go fihla a ganne Jesu, le go kitimela ntle le go rapela go kgabola, gomme o ile a swanela go kgobelwa le bona. O eme godimo ga lepokisi la sešepi goba se sengwe, o rile, “Gobaneng, lena banna ba Judea, le lena ba le dulago ka Jerusalema!” Bao e be e le dingaka, D.D.’s. Oo, o rile, “Lena banna bao . . . le banna ba Israele, le badudi ka Jerusalema, le go ya pele, a nke se se tsebjie go lena. Ba ga se ba tagwa, bjalo ka ge le nagana, go boneng ke iri ya boraro ya letšatši. Eupša se ke sela . . .”

<sup>141</sup> Ge se e se Sela, ke nyaka go boloka se go fihla Sela se etla. Seo ke selo se tee.

<sup>142</sup> O rile, “Se ke seo se boletšwego ke moprofeta Joele, ‘Go tla tla go phethega ka matšatšing a mafelelo, go boletše Modimo, Ke tla tšhollela ntle Moya wa Ka godimo ga nama yohle; barwa ba lena le barwedi ba lena ba tla profeta; gomme godimo ga balata ba Ka le bahlankagadi Ke tla tšhollela ntle Moya wa Ka, gomme ba tla profeta; gomme Ke tla bontšha maswao ka magodimong godimo, le ka lefaseng; le dipilara tša mollo, le muši, le lefokameetse; gomme go tla tla go phethega, pele ga letšatši le legolo la go šiiša la Morena le tla tla, mang kapa mang a ka bitšago Leina la Morena o tla phološwa.’”

<sup>143</sup> Sehlopha sela sa baitirasetaele bonabeng, ba aperego diaparo tše telele, baprista ba boikaketši, ba rile, “Re ka dira eng gore re phološwe?”

<sup>144</sup> Petro a re, “Sokologang, yo mongwe le yo mongwe wa lena, mme le kobebetšweng Leineng la Jesu Kriste bakeng sa go tlošwa ga dibe tša lena, gomme le tla amogela neo ya Moya wo Mokgethwa.” Ke botelele gakaakang? “Ka gore tshepišo ke ya lena, le go bana ba lena, le go bona bao ba lego kgole, le ba bantsi ba Morena Modimo wa rena a tlago go ba bitša.”

<sup>145</sup> Ka gona, motho yo mongwe le yo mongwe yo a sokologago gomme a kolobetšwa Leineng la Jesu Kriste, gomme Modimo o mo fa kolobetšo ya Moya wo Mokgethwa, ga a hwetše se sengwe go lebega boka mana a pele, eupša, ga a hwetše feela mothamo

wa go tlala mana a pele, eupša o hwetša pelo ya go tlala Moya wo Mokgethwa wa go swana.

<sup>146</sup> O ka no re, “Ripa seo fase gannyane.” Ke a tseba ke kudu gannyane ka seo, eupša ke no se kgone go e thuša. Elang hloko, lebelelang. Ga ke le hlodie. Nka no ba ke na le mmalewaneng go tšwa go yona. Eupša, oo, ge le ikwetše boka ke dirile, le tla ba go hlahlawetša, le lena.

<sup>147</sup> Elang hloko, oo, pelo ya go tlala mana a setlogo ao a welego mathomong; Moya wo Mokgethwa wa go swana o welego nako yela, o a wa bjale. Gomme O tla ya kae? “Go lena, go bana ba lena, bona bao ba lego kgole,” Louisville, Kentucky, “gomme ba bantši ba Morena Modimo wa rena a tlagoo go ba bitša, ba tla amogela sona selo se se swanago se re nago naso mo.”

<sup>148</sup> Seo ke se A se boletšego. Modimo o se šegofaditše. O se rerile. Moya wo Mokgethwa o Se tlišitše; ke Se hweditše; seo se a e ruma. Amene. Seo, seo se nno ntokela go lekanelia. Ke Mo tšerego Lentšu la Gagwe; O e dirile. Ge o O nyaka, o ka kgona go ba le Wona, le wena. Yeo ke therešo.

<sup>149</sup> Ka fao tšwelang ka ntle ga se—se seemo sa go hwa, gomme phafogang, gomme e no go šišinya ka mokgwa woo le go le phafosa. Gomme selo sa pele, o lebelela go dikologa gomme se sengwe le se sengwe se tla lebega go fapania go wena. Moisa yola o bego o ka se bolele le yena, o tla hlaganelia go fihla go yena le go bolela le yena; ee, mohlomphegi, o no swanelia go bolela le yena, yeo ke phetho. Oo, dilo tšela tšohle, bušetša tšona didirišwa tša dithaere tša kgale morago, le tšohle... tšona dilo tšeoo o di tšerego go tšwa hoteleng nako yela. Toulo yela ya kgale o bego o phuthetše dibjana tšela tša silibere o di tšerego go tloga tafoleng; o tla hlaganelia morago, go hwetša go e bušetša morago. Ka nnete o tla dira. Ee, mohlomphegi. O tla go dira sebopiwa se seswa ka go Kriste Jesu. Bjale lebelelang Maria. Oo, nna!

Re swanetše go hlaganelia. Re ya thwi mmogo.

<sup>150</sup> Šeba ba a ya, go kgabola lešoka bjale, ka morago ga kopano ya fešene ya kgale. Bjale ba leetong la bona. A ga go makatše gore ba be ba eteletšwepele thwi go otlologa go ya Lešokeng la Sini, thwi godimo go ya lešokeng, thwi godimo ka go mo—mo mothopo wa meetse a go galaka? A o ka eleletša Modimo a iša bana ba Gagwe, thwi ka morago ga ge ba phološitše le go tlatšwa ka Moya wo Mokgethwa, go ya methopong ya meetse a go galaka? Kgonthe. O tla rata go hlagiša lerato la Gagwe go bona gape. Yeo ke nnete. Ba fihlile godimo fale.

<sup>151</sup> Le a tseba, ge o hwetša Moya wo Mokgethwa, o šogana le bontši bja dišitiši. “Ditlaišego tša moloki di atile, eupša Modimo o mo phološa go tšona tšohle.” Modimo o go tliša thwi godimo, o lebane le yona, gore A kgone go go bontšha maatla a Gagwe le botho bja Gagwe.

<sup>152</sup> Boka ke kwele kanegelo ya modiši ka Jerusalema, yo a robegile leoto la nku ya gagwe. Ba rile, “Gobaneng, wena modiši yo sehlogo. Gobaneng o robile leoto la nku?”

<sup>153</sup> O rile, “Gabotse, o be a sa dire boka o be a nthata. Kafao ke naganne ke tla no roba leoto la gagwe, gore ke tle ke swanelo go mo fa šedi tsoko ya go ikgetha, gomme ka gona o be a tla nthata go tloga nako yeo go ya pele.”

<sup>154</sup> Dinako tše dingwe Modimo o swanetše go go robatša ka mokokotlo wa gago, ka bolwetši, bjoo ngaka a rego o ya go hwa. Modimo a ka kgona go go fa tlhokomelo ye nnyane ya go ikgetha gore o tla Mo rata gannyane go fetiša. Yeo ke nnete.

Bangwe go kgabola meetse, bangwe go kgabola  
mafula,  
Bangwe go kgabola diteko tša go teba, eupša  
bohle go kgabola Madi;  
Jesu o hlahla Kereke ya Gagwe.

<sup>155</sup> Bjale, ge ba be ba le fale, gomme meetse a be a galaka gomme ba se kgone go nwa, Modimo o file tsela. Mohlare wo monnyane wa kgale o lekelela fale mo lešing, Moshe o nno o ripa le go o lahlela ka meetseng, o fetotše selo ka moka; a mabotse, a mabose meetse.

<sup>156</sup> Bjale ge le etla godimo kgahlanong le a mangwe a meetse a lena a go galaka, goba se sengwe gape boka seo, go na le mohlare, bosegong bjo, go bolela semoyeng, o lekeletše godimo ga Golgotha, goba lefase, bosegong bjo, wo o tla bosafatšago meetse a go galaka e ka ba afe o ka išwago go wona. Yeo ke nnete. Khalibari e tla bosefatša boitemogelo e ka ba bofe. Makga a mantši re tsena ka mafelong a mathata, le go makala bjang. Kafao ke tswaletše mahlo a ka nako ye nngwe, le go nagana, “Mošola ka Golgotha, moo Molopolodi wa ka a tšwilego madi gomme a hwela bophelo bja ka,” gona moleko wa ka o bonagetše o le wo monnyane kudu. Ke no o lahlela ka thoko gomme ka sepelela pele. E o dira bose. E bosefatša boitemogelo bjo bongwe le bjo bongwe nkilego ka ba le bjona. Ka mehla e a bo bosefatša, ge ke etla go meetse a ka a Mara.

<sup>157</sup> Bjale, re kgauswi le go ba swara bjale godimo fa ka lešokeng, ka morago ga maswao ale a magolo ohle le matete. Tsošeletšo e be e homotše. Gomme selo sa pele le a tseba, ge tsošeletšo e homotše, gobaneng, ba lebetše tšohle ka mehlolo.

<sup>158</sup> A seo ga se no ba boka batho lehono? Ba lebala se Modimo a se dirilego ngwaga wa go feta. Se Modimo a se dirilego ka kopanong ntile mo ka sekolong sa go phagama, le lebala tšohle ka yona. Le a bona? Se Modimo a se dirilego, re no se lebala.

<sup>159</sup> Bjale, hlokamelang, gomme ka gobane ba thoma go ngangišana seng, “Gabotse, ka kgonthe ke, morago ga tšohle, ke nna Momethodist. Kereke ya rena ke ye kgolokgolo.” “Ke nna Mobaptist, gomme ke tla go botša thwi bjale, re dumela go

tšhireletšo ya Gosafelego, gomme re na le Wona. Lena bohle ga le ne thuto, morago ga tšohle.” Moo ke ge le tsena bothateng, gomme tšehelelo ya lena ya meetse e a ripša. Yeo ke nnete. Yeo ke nnete.

<sup>160</sup> Moo ke ge, leganata, ge a phela ntle ka leganateng, a thoma go popoduma, go popoduma le go belaela. “Gabotse, ke tla le botša. Ke tla le botša, ge modiša yola wa kgale a be a le fa, moreri yola wa kgale yo a rerilego bodumedi bjola bja nako ya kgale boka bjoo, ga—ga ke tsebe ge eba o be a nepile goba aowa. Ke tla le botša, o—o dirile mme wa ka go gafa kudu, bošego bjo bongwe, o ile gae. Gomme ke tla le botša, o be a huduegile, boka.” O be a swanetše go ba a bile. Yeo ke nnete. “Oo, ga ke tsebe ge eba ke nyaka go kwa gape ka Leo, goba aowa.” Gomme fao ke ge moela wa gago wa meetse o ripegile. Yeo ke nnete. Moo ke ge o fihla ka leganateng.

<sup>161</sup> Ba thoma go popoduma. Ba rile, “Disoulo tša ren—a tša ren di lapišitšwe ke borotho bjo bohwefo bjo.” Ka morago ga ge ba tlogetše dikaliki le dianyanese tša Egepeta, gomme ba be ba eja dijо tša Barongwa, gomme ba sa belaela. A seo ga se bjalo ka kereke? Bjale ke theogela go batho ba bokgethwa bjale, lena bohle; ya, lena bohle. LE ja dijо tša Barongwa, gomme ka morago le rile, “Ke duma ge nkabe re le morago ka Egepeta, go hwetša kaliki tsoko gape.”

<sup>162</sup> “Clayton McMichen le Diphaga tša gagwe o ya go ba ka pareng bošegong bjo. Ge nkabe ke se ka tšoena kereke yela ya kgale, nkabe ke ile tlase.” Le wena o ka no ya pele. Moo mahumo a gago a lego gona, fao pelo ya gago le yona e gona. Ga se wa ke wa hwetša selo ge o thoma. Yeo ke nnete. Yeo ke nnete. “Oo, ke tla rata go dira *se*, goba go dira *selā*.” Ke lena bao, ka mehla pelaelo.

<sup>163</sup> Gomme ba tlogetše meetse a leraga a Egepeta, go nwa meetse a go sekа go tšwa go Leswika la Mehlgeng, gomme ba be ba belaela ka Wona. Ba tlogetše lefelo moo ba bagolo, bomatwetwe ba go ikgantšha ba Egepeta, baikgantšhi ba bagolo le bohle, go ba le Matwetwe yo Mogolo. Ba tlogetše lefelo moo ba boletšego, gore, “Matšatši a mehlolo a be a fetile,” go ba le batho ba ba bilego le maswao le matete a ba latela, gomme ba sa belaela. Oo, nna! Ee, mohlomphegi. Tlase kua, nnete, Baegepeta, ba be ba le Bantle ba ba go tonya, bahlokaphapano. Ba be ba sa dumele go selo se sebjalo ka mehlolo.

<sup>164</sup> Ka gona, ba be ba le ntle mo fao ba bego ba na le Pilara ya Mollo go ba dikologa. Re na le Yona bošegong bjo. Ba be ba le ntle fale moo ba bilego le thabo ka kampeng, ba goeletša, mehlolo e dirwa, le se sengwe le se sengwe, gomme morago ba belaela ka yona. Ke ka baka leo meetse a ilego a gopa, ke ka baka leo ba bego ba se na le selo go ja goba go nwa, ka baka la gore ba be ba popoduma.

<sup>165</sup> Gomme seo ke se e lego bothata ka dikereke tikologong ya Louisville, bosegong bjo; go popoduma, go belaela. Kgaogelo! Boelang morago ka go ditomo. Yeo ke yona.

<sup>166</sup> “Gona mothaka yo ke mang, Moshe? Gobaneng re ile ra theetša, ra theetša moreri yo wa mopshikologimokgethwa, go le bjalo? Re dira eng ntle mo?” Gomme moela wa meetse a bona a gopile.

<sup>167</sup> Ke nagana ka Moshe, monna yola yo mogolo. O be a rutilwe ka go bjohle bo-bo bohlale bja Baegepeta. A re mo lebeleleng feela metsotso e se mekae. A re tšeeng Moshe, feela motsotso. Lebelelang moisa yola. O be a . . .

<sup>168</sup> Baegepeta, ba be ba le kgole go re feta lehono, ge go etla go saense ya ren a ya tša kalafo. Di be di le kgole ka godimo ga ren a. Dilo tše dintši ba kgonnego go di dira tšeou re ka se di kgonego.

<sup>169</sup> Gomme Moshe o bile le kalafi yohle. Gomme ge a be a le ntle kua, naganang, Moshe o bile le e ka ba milione tše pedi tša batho le yena. O be a na le bana ba bannyane. O be a na le bakgalabje, bakgekolo. O be a na le digole, le difofu. Masea a belegwe, dikete tša bona, mo nakong ya beke. Gomme Moshe, Ngk. Moshe, o be a le ntle kua lešokeng le batho bohle ba. Ke rata go lebelela ka go sebeba sa gagwe sa dihlare, a o ka se ke? Ke tla rata go bona se Ngk. Moshe a bilego le sona ka go sebeba sa dihlare. A re nong go hlodimela godimo ka go sebeba sa dihlare le go bona se a bilego le sona.

<sup>170</sup> “Moshe, ka baka la eng, o be o na le eng ka kua, Moshe?” Gobaneng, re hwetša gore ge leeto lela la mengwaga ye masomenne lohle, godimo ga masea a milione tše pedi go feta a tswetšwe. Yeo ke nnete. “O dirišitše eng, Moshe? O dirišitše eng bakeng sa dikgobalo tšeou tšohle le go opa le dikankere, le bofofu, le bofoa, le bomuma? Gobaneng, ba a mpotša, gore ge o etla go tšwa lešokeng, go be go se mofokodi magareng ga bona.” O re, a tše dingwe tša dingaka tše di ka se lebelele ka go seo, lepokisi lela la dihlare?

<sup>171</sup> “Gomme selo se sengwe, Moshe, ofafaditše eng godimo ga batho bale, go fihla ebile le diaparo tša bona di be di sa hlagale? Dieta tša bona ga se nke tša hlagala, ba sepela godimo ga maswika ale.” Ge eba o kile wa ba fale, o tseba se leganata le bogegago boka sona, ba hlagatša para ya dieta mo matšatšing a mararo. Gomme ebile ga se nke ba tsoge ba hlagatša lerathana le tee la letlalo go tloga go tšona, mo mengwageng ye masomenne. “Moshe, ke eng se se bego se le ka sebebeng sa gago sa dihlare?”

<sup>172</sup> A re lebeleleng ka go sona. Ke a mmona, “Ke na le taelotšhomiso e tee, ‘Ke nna Morena yo a go fodišago.’” Seo se a rarolla. Amene.

<sup>173</sup> O rile, “Oo, Moshe, tate wa ka o bile godimo fa, o sa tšo wa le go roba leoto la gagwe. O mo swaretše eng?”

<sup>174</sup> “A nke ke lebelele gomme ke bone. ‘Ge o ka obamela segalontšu sa Ka, wa dira tšohle Ke di laelago, Nka se bee le botee bja malwetši a godimo ga lena, bjalo ka Baegepeta, ka gore Ke nna Morena yo a le fodišago.’ Mmotše seo.” O fodile. Amene. Yeo ke nnete.

“Oo, o babja ka go hlokoфala! Lesea la ka le na le go šopagana, goba nyumonia, gampe kudu! Ngk. Moshe, nka dira eng?”

<sup>175</sup> “A nke ke bone se ke nago le sona. ‘Ke nna Morena yo a go fodišago.’” Seo se a e ruma. Amene. Ba ile kgole. Yeo ke nnete. Ba ya pele, ba hlalala. Seo ke sohle a bego a se hloka, “Ke nna Morena yo a go fodišago.”

<sup>176</sup> Go tšwa go makgolotshela le metšo, ditshepišo tša kgonthe tša phodišo Kgethwa, ka go Testamente ye Mpsha e nnoši, gomme efela re botšiša Modimo, bošegong bjo. Kahlolo e tla ra eng go rena? Nnete.

<sup>177</sup> “Ke nna Morena yo a go fodišago.” Ee, mohlomphegi. Seo ke se Moshe a bego a na le sona, Ngk. Moshe o be a na le ka sekgaong sa gagwe, ka go sa gagwe . . . sebebeng sa dihlare tša gagwe, e bile se, “Ke nna Morena yo a go fodišago.” Kafao O fodišitše malwetši ohle, le go ba boloka ka phethagalo, le go ba tliša thwi go kgabola lešoka, go ya ka go naga ya tshepišo. Oo, nna!

<sup>178</sup> Ba tlogetše bohole bale ba bagolo, bomatwetwe ba go ikgantšha, go ba le Matwetwe yo Mogolo yo. Ba tlogetše sehlophha sela sa batho seo se bego se tonya, fomale, le bahlokaphapano, ba re, “Fao go be go se selo se se bjalo bjalo ka mehlolo.” Gomme thwi mo, Pilara ya Mollo e be e lekeletše godimo ga bona. Batho ba be ba fodišwa. Se sengwe le se sengwe, le se sengwe ba bego ba se hloka, se be se nno fiwa thwi go bona, gomme efela ba be ba belaela ge ba etšwa ka meetseng. Eupša ka gona ka go mogau wa go ikema wa Modimo, ka go tšohle tša tšeо . . .

<sup>179</sup> Go swana le ge o le mo ka Louisville bošegong bjo, ka bogareng bja yohle ye e goeletšago ntle, “Matšatši a mehlolo a fetile. Mokgatlo wa Kalafo o leka go emiša phodišo Kgethwa, go kgabaganya naga.” O ka se tsoge wa e emiša. Le wena o ka no ema gabotse bjale. O ka se kgone go e emiša go feta o ka kgona go emiša letšatši. Yeo ke nnete.

<sup>180</sup> Fa mengwaga e se mekae ya go feta, ge la mathomo ke thoma ka Jeffersonville, ke be ke rera phodišo Kgethwa. E be go sa tsebje, ka kgonagalo, lebaka la mengwaga. E be e le selo se sethata. Eupša, ngwanešu, bošegong bjo go na le dimilione tša bona, mogohle, ba goeletša ntle. Leka go e emiša? O ka se kgone. “Nna Morena ke o bjetše; Ke tla o nošetša, mosegare le bošego, ntle le ge bangwe ba ka o utla go tšwa seatleng sa Ka.”

<sup>181</sup> Mo e sego telele go fetile, ke be ke lebeletše diphorogohlo tše nnyane godimo ga Sehlwaseeme sa Tokologo. Di be di nno robala pale. Baisa ba bannyane ba be ba robetše gohle go dikologa, ka

tlase ga seetša. Gomme ka re, “Ke eng se se dirilego seo?” go mohlahli.

<sup>182</sup> O rile, “Di itiela mabjoko a tšona ntle, bošegong bja go feta, ka go ledimo lela. Di tsene ka seetšeng, gomme seetša se ka be se di išitše polokegong, eupša di be di leka go tima seetša. Gomme di itiela mabjoko a tšona ntle, di leka go tima seetša.”

<sup>183</sup> Ke rile, “Letago go Modimo!” Ke a thanka o naganne ke be ke gafa. Ke rile, “Seo se mpea ka monaganong wa ba bangwe ba batho ba ba lekago go itiela phodišo Kgethwa ntle le Maatla a tsogo ya Jesu Kriste.” O tla itiela mabjoko a gago ntle; o ka se tsoge. E no e amogela, gomme o fofela go polokego, ka go sona. Yeo ke nnete. Amene.

<sup>184</sup> “Bolela le leswika, Moshe,” Modimo o boditše Moshe, “gomme le tla tliša meetse a lona, la tliša meetse a Gagwe.”

<sup>185</sup> Fa e se kgale botelele, ke be ke lebeletše seswantšho ka musiamong tsoko, sa leswika le le bethilwego. Gomme go be go lebega o ka re moela wo monnyane wa nthathana o tšhologela ntle, e ka ba bogolo bja tšhwana ya go roka. Ka gopola, “Rabokgabo yo o kgonà go nyefola!” Gobaneng, ngwanešu, ke be nka kgonà go nwa selo sela go se gopiša ge ke be ke nyorilwe. Ee, mohlomphegi.

<sup>186</sup> A le tseba se Moshe a ilego a swanelia go nweša go tšwa go Leswika lela? O be a na le batho ba ka godimo ga dimilione tše pedi, ntle le diruiwa tšohle. Go tšere e ka ba dikete tše masomenne tša dikalone ka motsotso, go—go ba nweša, bona. Haleluya!

<sup>187</sup> Seo se mpea ka monaganong wa yo mongwe ka go bodumedi bja bona. O no ba le bodumedi bja go lekanelia go ya sekolong sa Lamorena ka Lamorena mosong, go no tshwela wo monnyane wa nthathana go kolobiša gannyanie.

<sup>188</sup> Ke rata go dula mo Mothopong moo dinthulwane di tšwago, haleluya, go lekanelia go ntšea go kgabola Bokagosafelego. Haleluya! Ke thabile ke tšwetše ka ntle ga lefelo lela la kgale la go kolobiša; godimo go ya go mosela moo a no go tšhollela nako yohle. Ee, mohlomphegi.

<sup>189</sup> Batho ba no ba le bodumedi bja go lekanelia go ba dira ba madimabe. “Gabotse, nka se kgone go dula godimo e ka ba metsotsye lesome. Nna, mmalo, moreri yola o tactile botelele gakaakang?” Phološo ya gago e tebile gakaakang? Yeo ke nnete.

<sup>190</sup> Eya godimo ka Lamorena mosong, gomme o re, “Gabotse, ke tla ya godimo le go kwa se ba swanetšego go se bolela.” Gomme hwetša thoo ye nnyane le go ya morago, gomme yeo ke mabapi le tšohle o nago le tšona.

<sup>191</sup> Ngwanešu, ke tla go botša, ge Moshe a iteile Leswika lela, le nošeditše lešoka ka moka. Amene. Ee, mohlomphegi. Selo se nnoši, se sengwe le se sengwe ba bego ba se hloka, ba ile ba no

wela thwi fase le go nwa, go nwa, go nwa go fihla ba nno tlatšwa. Go le bjalo, meetse a mantši a be a etla, e ka ba ka dikete tše masomenne tša kalone ka motsotso. E nagantšhiše, ke batho ba bakae, milione wa batho, milione tše pedi tša batho ba kgonne go nwa, mo nakong ya motsotso; batho ba ba nyorilwego, ntle le dikamela, le diruiwa, le dilo tše ba bilego našo. Gomme Beibele e rile, “A tlide pele ka magobagobe.” A ile a no rora ntle, go kgabola lešoka.

Yeo ke tsela ye Jesu Kriste a fago Moya wo Mokgethwa.

<sup>192</sup> E sego feels nthathana ye nnyane, go re, “Gabotse, ke a dumela ke tla ya le go tšoena kereke.” Oo, nna! “Oo, nka se kgone go emela lešata leo. Le mpha meroromelo.” Ge o ka tsoge wa hwa, o tla gatsela go iša lehung ge o fihla Legodimong, gobane, ngwanešu, o ya go kwa lešata le lengwe ge o fihla Kua. Beibele e rile ba goeletša “haleluya,” mosegare le bošego; mosegare wohle, gobane ga go bošego. Yeo ke nnene. Ka kgonthe o tla hwa ge o fihla Legodimong, letšatši la bobedi godimo Kua. Ee, mohlomphegi. Gabotse, o no . . . se o se dirilego, o nno ya le go hwetša go thapa, gannyanne.

<sup>193</sup> A o ka se dule fase kgauswi le senthulwane, gomme wa mo lesa a tšhologela fase go fihla a go hlatswa ntle ka go . . . haleluya, ka magareng, le go fihla o loba wenamong gomme ga o sa tseba mo o lego. [Lefelo la go se be le selo godimo ga theipi—Mor.] Yeo ke tsela ye o nyakago go hwetša.

<sup>194</sup> Ke be ke fela ke botša malome wa ka, papa wa ka, “Mošemane, ke kgona go thutha,” ka mogobeng wo monnyane wo godimo mo ka Utica Pike.

<sup>195</sup> Letšatši le lengwe, papa o ile morago gomme a dula godimo ga mosela, o rile, “Ke nyaka go go bona o thutha.” Mogobe wo monnyane o be o le e ka ba botebo *bjoo*. Ke be ke eme godimo ga lepokisi la sešepi. Ke apotše thososo dilo tša ka, gomme ka ya godimo ga nko ya ka ka mokgwa *wo*, gomme ke tabogetše godimo le fase godimo ga lepokisi la sešepi. Ke bethile, leraga le fofole ditsela bobedi, gomme ka thoma go phantshanya leraga.

Ke rile, “Ke dira bjang, Papa?”

<sup>196</sup> A re, “Tšwela ka ntle ga fao.” Go thutha? Go abula lerageng, nako yohle.

<sup>197</sup> Re na le maloko a mantši a go abula lerageng a kereke, le rena. Yeo ke nnene. Yeo ke mnene, baabulalerageng. Ee, mohlomphegi.

<sup>198</sup> Letšatši le lengwe, malome wa ka o ile ntle ka sekepeng gomme ke be ke thathangana ka go thutha; godimo mo ka Nokeng ya Ohio, e ka ba dikgato tše masomepedi tša meetse. O nno tšeа lehudu gomme a nthengkolla go wela ka meetseng, a re, “Bjale go reng ka yona?” Amene. Haleluya! Ke ile ka swanelo go thutha goba go nwelela, nako yeo. Oo, nna!

<sup>199</sup> Le wena o swanelo go Le tlwaela. Go go ntšhetša ntle ka go senthulwane, moo Modimo a bulago leswika fale ka lešokeng le go no le tšhollela ntle. “Bolela le Leswika,” O rile, “gomme le tla tliša meetse a Lona pele.”

<sup>200</sup> Mohlomongwe, mogwera wa ka, bošegong bjo, mohlomongwe o a senyega. O swanetše go bolela le Leswika. Yeo ke mnete.

<sup>201</sup> Mohlomongwe o ile mogohle. Mohlomongwe o ile kerekeng, gomme wa tšoena Methodist, gomme wa tšoena Baptist; gomme ba go gafela, gomme o ile go Presbyterian; le morago go Mapentecostal, godimo go Nazarene, tlase ka Pilgrim Holiness. Gomme o sa no hloka kwešišo.

<sup>202</sup> O no bolela le Leswika, bošegong bjo. Feela... A o mo maemong a go bolela le Yena? Ya. O rile, “Bolela le Leswika, gomme O tla tliša meetse a Gagwe.” O tla tliša meetse a Gagwe, ge o ka no... Ga wa swanelo go Mo itia, gape. E no bolela le Yena. Feela ka mabaka a botho, bolela le Yena.

<sup>203</sup> Mohlomongwe o bile go ngaka. Mohlomongwe o dirile se sengwe le se sengwe seo o tsebago mokgwa wa go se dira, go leka go fola. Mohlomongwe o sa tšo dira se sengwe le se sengwe seo se lego maatleng a gago, go nyakile, gomme ga o fole. Ngaka ye nngwe le ye nngwe, o ile go kgabola ofisi ye nngwe le ye nngwe o tsebilego bjang, gomme ngaka o rile, “O no... Ga se gona o ka se direlwago.” Gobaneng o sa bolele le Leswika, bošegong bjo? O tla... O na le meetse a Bophelo fao bakeng sa gago, a go fa Bophelo ka bontši kudu.

<sup>204</sup> Nako ye nngwe fao go be go le mosadi, ka Beibeleng, ka leina la Hagara. Ke nagana ka yena. Gomme ke lokišetša go tswalela; nako. Fao go be go le mosadi ka leina la Hagara, gomme o be a na le lesea le lennyane. O ile a rakelwa ka lešokeng, ka legapano le tee le lennyane la meetse. O ile a fepa selo se sennyane, letšatši lohle botelele. Eupša meetse a fela, go bapela e ka ba gare ga mosegare, gomme lesea le lennyane le be le goeletša le go lla. Dipounama tša gagwe tše nnyane di be di omeletše gomme leleme la gagwe le be le ruruga. Wa go šokiša, mme wa go ratega, o be a ka dira eng? O be a pututše lefelo le lengwe le le lengwe le lennyane a bego a ka kgona, go hwetša meetse, eupša ga go meetse ao a bego a ka kgona go hwetšwa. O be a sa kgone go ema go bona lesea le ehwa; kafao o le beile ka tlase ga sethokgwā, gomme o tlogile a ya sethakgwana.

<sup>205</sup> Gomme a khunama fase gomme a bolela le Leswika. Ge a boletše le Leswika, Morongwa o boletše morago gomme o rile, “Hagara, ke eng seo se pumpunyegago godimo kua?”

<sup>206</sup> Go be go le sediba ka moka, se tletše meetse, seo se sa kitimago le lehono. Ka morago ga e ka ba mengwaga ye dikete tše nne, se sa kitima le lehono. Mothopo wo Hagara...fao, woo,

o sa kitima lehono. O boletše le Leswika, gomme Leswika la tliša meetse.

<sup>207</sup> Go bile le bana ba bangwe ba Bahebere ba ile ka leubeng la mollo, letšatši le lengwe, gomme ba boletše le Leswika. Gomme Leswika le be le na le bona.

<sup>208</sup> Go be go le mosadi a etšwa Samaria, nako ye nngwe. O be a nolegile moko. O be a tletše sebe, gomme a na le dilo tše ntši di lekeletše godimo ga bophelo bja gagwe, mohlomongwe. Gomme o be a nolegile moko. O ile sedibeng sa Jakobo bakeng sa kimollo, gomme o be a tla ya morago. O be a tla ya sedibeng sa Jakobo, le go ya morago. Gomme letšatši le lengwe o ile a bea pitša ya meetse fase, gomme o be a eme fao, a nolegile moko. Gomme fao go be go eme Leswika, le eme kgauswi le yena. O boletše le Leswika lela. O mo file senthulwane se segolo ka soulong ya gagwe. O kitimetše ka toropongkgolo. Ga se a tsoge a tla go ga, gape. O bile le Bophelo. O rile, “Etlang, bonang Monna yoo a mpoditšego se sengwe le se sengwe nkilego ka se dira. A yo ga se Kriste?” O boletše le Leswika, gomme Leswika le tlišitše meetse a Lona.

<sup>209</sup> Go be go le mosadi yo monnyane yo a sentšego tšelete ya gagwe yohle ka dingaka, ditswiamagotlo, ba ba tšerego tšelete ya gagwe yohle. Ga se ba kcona go emiša taba ya madi. Ka kgonagalo o bapaditše polasa ya gagwe, gomme mohlomongwe o e rekišitše. Gomme o be a dutše, a roka letšatši le lengwe, gomme o kwele Sengwe se etla go theoga tsela. O boletše le Leswika. Leswika le ile la retologa go dikologa gomme la re, “Ke mang yo a Nkgwathilego?” Go be go fedile ge a boletše le Leswika. O mo file senthulwane sa Bophelo, seo se emišitšego taba ya madi. A kgahlile ka pela.

<sup>210</sup> Go be go le mokgopedi wa kgale wa sefolu a eme lehlakoreng la leboto, letšatši le lengwe, a thothomela ka go tonyeng. Se sengwe le se sengwe a bilego le sona se be se ile. Gomme šo o be a le, le go šokiša, gomme batho ba feta kgauswi. O kwele Sengwe se etla; o rile, “Ke eng?” Gomme o boletše le Leswika.

<sup>211</sup> Le ge, maloko a gagwe a kereke, go mo dikologa, ba lekile go mo emiša, ba re, “Ga go bohlokwa. O ka se kgone go e hwetša. Dula kgole. Homola.”

<sup>212</sup> Eupša o gooleditše kudukudu, “Wena morwa wa Dafida, nkgaoge! Nkgaoge!” Gomme o boletše le Leswika, gomme Leswika la mo fa senthulwane, gomme mahlo a gagwe a bulega.

<sup>213</sup> Leswika le le swanago le bego le le ka lešokeng le mo lehono. Le dira batho gore ba hlalale.

<sup>214</sup> Letšatši le lengwe, Jerusalema yohle e be e eme ntle go bona mofodiši yo Mokgethwa, mopshikologimokgethwa, a tsena ka toropong; le batho ba se bakae ba eme fale, ba goeletša ka godimo ga segalontšu sa bona, “Hosiana! Hosiana, go Yena yo a tlago Leineng la Morena!”

<sup>215</sup> Maloko ale a kereke ya setaele mong a be a le ntle kua a apere diaparo tša bona tše telele, ka tša bona diD.D ka morago ga bona; ba rile, "A nke ba homole. Nna, ba ntira ke thothomele mokokotlong wa ka, le go ya pele. Ba dira go homola."

<sup>216</sup> O rile, "Ge ba ka homola, maswika ka pela a tla goeletša." Gobaneng e bile? Lona Leswika le le matlotšwego go tšwa thabeng, ntle le diatla, le be le etla, le tokologa go ya ka Jerusalema. Maswika a mannyane a be a enwa go tšwa go Lona. "Bolela le leswika, gomme Le tla tliša meetse a Lona."

<sup>217</sup> Ge o hloka phološo, bošegong bjo, bolela le Leswika. Le tla tliša meetse a Lona. Ge o le mokgelogi, bošegong bjo; bolela le Leswika, Le tla tliša meetse a Lona. Ge o le mo, bošegong bjo, gomme ntle le Kriste; o lekile kereke ye nngwe le ye nngwe e lego gona, ka toropong, go hwetša phološo; bolela le Leswika, Le tla tliša meetse a Lona. O a le dumela? Ge o le mokgelogi, o tlögile go Modimo, o nagana ga go sebaka go wena; e no bolela le Leswika, gomme Le tla tliša meetse a Lona.

<sup>218</sup> A o dumela seo, ka pelo ya gago yohle? A o a dumela gore Modimo o tla e fa? Ka pelo ya gago yohle, o a e dumela? Haleluya! O fa bošegong bjo.

<sup>219</sup> Ge o babja, gomme o lekile se sengwe le se sengwe ka lefaseng. O lekile go tsena ka mothalong wa thapelo, gomme ga o kgone go tsena ka mothalong wa thapelo. O bile le dikarata tša thapelo, gomme o gannwe. O ile kopanong e tee; o ile kopanong ye nngwe. O tloditšwe ke modiša. O tlide go kgabola mothalo wo wa thapelo. O bile mogohle gape, gomme ga o kgone go fola.

<sup>220</sup> Gobaneng o sa bolele le Leswika bjale? O tla tliša meetse a Gagwe. Yeo ke nnete. Gobaneng o sa Mo leke gatee? Eba ka leemong la go bolela le Yena, gonabjale, ge A sa le ka moagong. Bogona bja Gagwe bo thwi fa bjale go fodiša yo mongwe le yo mongwe wa lena. Ke a bo dumela. Ke a bo tseba, ka pelo ya ka yohle. Ke a dumela. Gomme go na le dilo tše dingwe tše ke sa di tsebego, eupša go na le dilo tše dingwe tše ke di tsebago. Gomme ke a tseba gore Jesu Kriste, Morwa wa Modimo yo a phelago, o thwi mo.

<sup>221</sup> Ge ebile ke leka go dira pitšo ya aletara thwi bjale, ka pelong ya ka, dipono di tšwelela gohlegohle moagong thwi—gonabjale. Oo, yeo ke nnete. Maatla a Modimo a thwi mo. Yeo ke nnete. Ke Mmone a sepelela ntle mo. E thoma go nthibela go tloga go sekgao se tee go ya go se sengwe, thwi bjale; gobane go ne batho ba go babja fa, gomme dithapelo tša lena ke tše di e dirago; go tiišetsa Lentšu la Modimo, go re O thwi mo go boledišwa, bošegong bjo, Leswika la go swana leo le emego le go bona dikgopololo tša bona. O bone mo mosadi a bego a le gona, yo a bego a na le bothata bja madi, le go ya pele. O mo bjale. Ge o ka bolela le Yena, O tla tliša meetse a Gagwe. A o dumela seo ka pelo ya gago yohle?

<sup>222</sup> O nagana eng, mohumagadi? Ka . . . Thwi fao ka bogareng. Bjale, ga o na le karata ya thapelo, a o a dira? Mohumagadi ka selo se sešweu go dikologa molala wa gagwe, a dutšego thwi fao. O na le bolwetši bja swikiri, a ga o? Ga o na le karata ya thapelo, a o a dira? Ga o hloke karata ye e itšego ya thapelo. A o dumela seo? O nagana gore o ka kgona go bolela le Leswika? A o nyaka go bolela le Yena, bakeng sa bolwetši bja gago bja swikiri, gonabjale? Emelela ka maoto a gago gona. A ke nnete? E no re, “Ke amogela Jesu Kriste bjale bjalo ka mofodiši wa ka,” gomme Modimo o tla go tšeela gae gomme o tla go dira o welwe ke maruru. Bolela le Leswika. Modimo a go šegofatše. Go lokile. Sepela, gomme o dirwe go fola.

<sup>223</sup> O nagana eng ka yona, o dutše kgauswi le yena, mohumagadi? O na le ditšhika tša go phota madi ka maotong a gago, a ga o? Yeo ke nnete. Emelela ka maoto a gago. A yola ga se monnamogatša wa gago a dutšego hleng le wena fale? A ke nnete? O na le bolwetši bja swikiri, le wena, a ga o? A ke nnete? Bea seatla sa gago godimo ga mosadimogatša wa gago. Go lokile. Lena bobedi le tšwa Illinois. A yeo ga se nnete? Bjale le boela morago Illinois, le bolela le Leswika, gomme bo tla le tlogela gomme la se tsoge la bowa morago gape. Haleluya!

<sup>224</sup> Ke tseba selo se tee, gore Leswika le mo, Leswika la Mehleng le le iteilwego ka lešokeng. Yeo ke nnete.

<sup>225</sup> O nagana eng ka yona, mohumagadi yo monnyane fale ka ona matšoba godimo ga kefa ya gago? A dutše fale ka atheraithise, a leka go e fenya. Wena yo a retologilego le go lebelela ka tsela ye nngwe, a o dumela ka pelo ya gago yohle gore Modimo o ya go go fodiša? Emelela ka maoto a gago gona, gomme o tiba ka maoto a gago godimo le fase, gomme o re, “Atheraithisi e ile,” gomme go bjalo. Bolela le Leswika, gomme O tla tliša . . . ? . . .

<sup>226</sup> Ke a le botša, Jesu Kriste wa go swana, maabane, lehono, le go ya go ile. O mo go dira go bonagatša e ka ba eng yeo . . .

<sup>227</sup> O nagana eng ka yona, mohumagadi a dutšego fale, o rile, “tumišang Morena,” ka bothata bjola bja sesadi, ka ye nnyane, a aperego paki ya go lebega botalamorogo, a dutše fale? A o a dumela gore Modimo o go fodišitše nako ye? Emelela, motsotsotso feela; o dutšego thwi fale. A o dumela ka pelo ya gago yohle? O na le bothata bja sesadi. Ke sekutu. O na le lešoba, mohuta wo mongwe wa seela o tšwa go lona. A ga se nnete? Ge seo e le nnete, phagamiša seatla sa gago. Ke eng e ntirago go bolela seo? Ke Leswika le bolela le wena. Bolela morago go Yena, gomme o dirwe go fola. Haleluya!

<sup>228</sup> Oo, ka fao A nyakago go tliša diponagalo tša Gagwe tša maatla a Gagwe! Gomme ke bona Morongwa wa Modimo, yona Pilara ya Mollo ya go swana yeo e latetšego bana ka lešokeng, e sepela go kgabola moago wo bjale.

<sup>229</sup> Ke leka go latišiša mosadi. O a rapela. O kae mo? Šo O eme. Ee, ke mosadi yo monnyane o eme thwi kua, wa bobedi o dutše ka gare. Aowa, o . . . Ke ka monna, a eme. Ke monnamogatša wa letagwa yo o mo rapedišago. A seo ga se therešo, mohumagadi? Ge e le yona, ema ka maoto a gago thwi fao. A ga o na le monnamogatša wa letagwa yo o bego o mo rapediša? Ge seo e le therešo, emišetša seatla sa gago godimo. Bolela le Leswika, gomme Modimo o tla mo ntšha go—go selo.

<sup>230</sup> Modimo o tla dira e ka ba eng ka fa, ge feelsa o ka e dira. A o a e dumela? A o poledišanong le Yena? Ge o le, ema ka maoto a gago thwi bjale gomme o bolele le Leswika, gomme Leswika, le tla tliša meetse a Gagwe. A o tla ema?

<sup>231</sup> Ke mang a Mo nyakago bakeng sa phološo? Phagamiša seatla sa gago, o re, “Ke nyaka A tle ka pelong ya ka.” Modimo a go šegofatše. Modimo a go šegofatše. Modimo a go šegofatše. Modimo a go šegofatše, le wena, le wena, le wena. Oo, nna! Ee, mohlomphegi.

<sup>232</sup> Kankere yela e go tlogetše fao, ngwanešu wa ka. E sepetše. O ka kgona go ya gae gomme wa fola bjale. Haleluya! Yeo ke therešo.

<sup>233</sup> Bohle ba nyakago go fodišwa, phagamiša seatla sa gago, o re, “Morena, ke bolela le Wena. Ke bolela le Wena.” Yeo ke nnete.

<sup>234</sup> Šole o a ya. Morena, saenase ya gago e go tlogetše fao. O lokologile. Eya gae; ka Leina la Jesu Kriste, o fodile.

<sup>235</sup> Yo mongwe le yo mongwe ka mo, yo a nyakago go Mo hwetša bjale, emišetšang diatla tša lena godimo gomme le re, “Ke a Go leboga, Morena, go mphodišeng. Ke bolela le Wena, ka Leina la Jesu Kriste, gore O mphodiše.”

<sup>236</sup> O Modimo, wa kgaogelo, romela maatla a Gago bošegong bjo, ka tlotšo ya Moya wo Mokgethwa, ge A sa le ka moagong wo bjale, go swiela godimo ga batheeletši ba. Gomme a nke Moya wo Mokgethwa o dire mohlolo wo mongwe le wo mongwe. A nke go se be le balwetši goba motho yo a golofetšego a tlogetšwego ka moagong bošegong bjo. A nke O fodiše yo mongwe le yo mongwe, ka Leineng la Jesu Kriste.



*TOPOLLO KA GO FELELA, KA THABO* NST54-0330  
(Redemption In Completeness, In Joy)

Molaetša wo ka Ngwanešu William Marrion Branham, setlogong o abilwe ka Seisimane ka Labobedi mantšiboa, Matše 30, 1954, ka Church Of The Open Door ka Louisville, Kentucky, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)